

籌辦夷務始末

籌辦夷務始末卷之四十四

道光二十二年壬寅二月壬午揚威將軍奕經參贊大臣  
特依順文蔚奏竊等語於正月十九日承准軍機大臣字  
寄正月十二日奉

上諭奕經等奏大兵將次到齊行營進駐杭城並撥兵乍浦兼資  
防勦一摺此次命將出師必須將該逆大加懲創方足以寒賊  
膽而杜後患各處要隘已經防堵周密毋虞竄入惟在該將軍  
等豫為籌畫乘機進取俾逆夷首尾被擊不至揚帆遠遁庶可  
一鼓成擒揚國威而膺懋賞在此舉也勉之慎之又另摺奏請  
將督防總兵撤回省城等語總兵陳述祖彈壓兵丁既不如法

著即照議撤回浙江省城防守其所帶兵丁暫交副都統長喜管帶計此時哈拉吉那岱昌均已抵浙著奕經於該二員內揀派一員管帶綠營兵丁會同長喜辦理防勦一切等因欽此查近日逆夷知我大兵雲集勢將進勦防備甚嚴妄思螳拒該逆等恐我兵埋伏又復向各村鎮地方四出撙捕彼時矛因大兵未齊若伏勇過多稍有露洩一時恐未能接應現在各城密報賊情狡獪異常將所擄財貨及行李等件大半移至船中夷目等晚間亦多半在船住宿留人守城似豫為逃走地步現已將兵勇即時調撥前進惟曹江以東各路船隻無多均不敷用特札飭各地方官迅速寬

為雇備。並據臬司蔣文慶詳稱。上虞縣知縣劉廣瀾備辦船隻。未能妥速。將該縣摘去頂帶。札飭迅即趕辦。復照會浙撫。囑令札催。毋致缺欠。並令添派熟悉地方妥幹之員前來幫辦。現欽奉

聖諭。此次命將出師。必須將該逆大加懲創。方足以寒賊膽。而杜後患。等語。亦惟恐該逆聞風遠遁。連日督催兵勇星夜進發。各路伏應。妥慎豫備。此三五日間。但得風潮順利。即可同時舉動。仍暗中設法牽制逆夷。或一時不及遠颺。俾官兵得以大張捷伐。現查節次奉

旨。調到江甯八旗。河南湖北安徽江西陝甘四川官兵。並山陝提

礮兵丁共計一萬一千餘名及李等分遣員弁雇募河北  
山東河南江南之崇明等處併糧船水手浙江後山泊定  
海等處各路義勇水勇並本省紳士招集精壯鄉勇亦有  
二萬餘名均已先後到齊李復於官兵餘丁內抽出勇壯  
七百餘名現在各路人人思奮敵愾同仇儘可仰賴

天威一鼓戰勝惟是浙省地勢既屬窄狹逆夷又復狡詐多端恃  
其船堅礮利來往自如僅純用正兵攻擊水陸俱不能施  
展李等數月以來通盤籌算甯鎮兩城江海圍繞定邑孤  
懸海外逆夷恃以負固以甯鎮為其藩籬以定海為其巢  
穴是以李等前次密奏摺內已陳明攻勦三城必須明攻

暗襲同時並舉。庶幾逆夷首尾不能相顧。當即以省城為準。分作兩路。定海作為東路。派令現升山西遺缺知府王用賓駐紮乍浦。總辦各路勇壯。併派出將備等官督率原任處州鎮總兵鄭國鴻之子候補鹽大使鄭鼎臣等在該處將募到崇明川沙及定海等處義勇水勇。豫備火攻。柴船多隻。或由乍浦或由海甯陸續渡洋。潛赴定城內外。舟山各巖。及該逆泊船處所。並六橫山一帶。夷船往來之處。豫為埋伏。復令候補同知黃維誥等先期在岱山各路妥為安置。候期舉動。並派令副將福禧鄭宗凱及備弁等帶領水勇乘船分頭勦捕。其甯鎮兩城均作為南路。派令候

補知府張應雲駐紮曹娥江總辦各路勇壯並派出將備等官督率石浦同知舒恭愛將募到山東河北及後山泊並本省紳士招集雇募精壯義勇豫備火攻柴船多隻潛赴該二城內外及金雞招寶兩山梅塘一帶並其餘扼要處所豫為埋伏內應或燒船隻或奪礮位或潛伏二城擒斬夷目或暗伏兩岸要截歸途其東路水勇尚有潛伏鎮海城內幫同內應之人南路亦密遣勇壯多人豫伏定海互為接應務令聲息相通逆夷四面受敵彼此莫能照顧現在等欽遵

皇上節次

指授機宜。小心慎密。各路暗襲。層層布置。辦理均已停妥。擬即刻  
日調兵進攻。惟是欲為戰計。仍宜先為守計。必俟內顧無  
虞。始可長驅而進。查乍浦與定鎮兩邑。海洋相隔。僅六百  
餘里。夷船揚帆可到。將來賊勢窮蹙。誠恐竄至乍浦。地加  
承突滋擾。使大兵有回顧之虞。勢不可不豫為防備。查該  
處駐有本省滿漢兵丁二千七百名。均派令副都統長喜  
管帶。現復遵

旨。札令副將哈拉吉。那會同帶領。並先由杭嘉湖道宋國經。雇募  
本地鄉勇七百餘人。但此項兵丁。仍屬柔脆。鄉勇均係福  
建人。寄籍該處。等。等尚恐未可深恃。飭令該道招募糧船



水手約一千二百餘名。人俱精悍。足資防禦。並將調到陝甘兵丁撥出一千名。札交漢中鎮總兵德坤統帶。屯紮該處九里橋地方。豫備防勦。諭令如各夷船駛擾江蘇上海地界。務即就近帶兵馳往策應。仍豫先囑令前往岱山管帶伏勇各員。并僮探有逆夷北駛上海之信。即駕船尾追。乘機攻擊。以為牽制之師。又查得與乍浦相近海鹽所屬之澉浦黃道關。西達海甯。亦屬要口。其地下多礁石。止有該處沙民水手。熟悉沙線。恐被逆夷勾為彼用。業經派員招致。以杜其接引之路。海甯為省城咽喉。設使夷船由尖山鼈子門駛入。該處首當其鋒。亦須豫為防備。前已派令

宜昌鎮總兵博勒恭武將所帶湖北兵一千名在海口擇要分屯。現復札派副將岱昌前往該處會同管帶調撥。以為省城屏蔽。至逆夷前有由海甯一帶至萬松嶺內犯省城之譚現雖並無舉動。更宜加意防備。李等公同商酌。省城為根本重地。且與海甯乍浦聲勢相聯。並為曹江後路。李特依順統帶湖北官兵一千名。陝甘擡礮兵二百名。擬即在萬松嶺屯紮。作為後路應援。如乍浦海甯一帶稍有動靜。即督飭兵弁馳赴該處奮力攻剿。現仍親赴乍浦等處查看海塘情形。更於引河口七堡等處扼要地方安設礮位。嚴密彈壓。以資防範。查分守大局布置周密。三城內

外凡有扼要處所均經密派勇壯埋伏接應即當剋期進兵議戰。等伏查前在曹江防守各路官兵多係潰散之餘由提督余步雲招集而來此項兵丁節經欽奉

諭旨撤換查辦當因大兵未集不便即時撤換現在各路兵勇均已到營即日進剿現據提督余步雲稟請願赴前敵其提標鎮定潰兵內告奮勇者亦有千餘人。等因該提督及各官兵前已屢次退避怯懦無能雖一時激勵究係潰散之後恐臨時不免復蹈故轍且有應行查辦之處現在不過暫時安置自難令其溷入大隊致勁兵沾染惡習現查甯波逃南之奉化嵎縣等處距城較遠此地防守兵勇無

即札飭該提督帶領提標各營兵丁前赴該處分段守禦其前次逆夷滋擾餘姚時江西潰散兵丁九百餘名現已暫緩查辦已令該帶兵官文斌等分起赴曹江迤北之滬海所三江口地方擇地屯紮統俟凱撤之時再行分別從嚴查辦現在各路精兵勁旅無不歡騰思奮等當即嚴計甯鎮兩城道路遠近分隊調撥查餘姚東南大隱山距甯郡六十里均係陸路可以無須多備船隻札派侍衛珠勒亨等會同貴州安義鎮總兵段永福督率守備王國英等帶領四川各營及屯土官兵九百名本隊餘丁三百名河北勇壯四百餘名分作三隊即由大隱山進攻甯郡遊擊張富等帶兵六百餘

名本隊餘丁二百名接應段永福攻取甯城又查慈谿西北  
長溪嶺山勢寬闊距鎮海八十五里堪以屯紮弁兵現將侍  
衛容熙由乍浦調回會同侍衛明慶等及金華協副將朱貴  
督率遊擊凌長舉都司劉天保等帶領陝甘西甯漢南各鎮  
兵丁八百名本隊餘丁一百名河南勇壯五百名分作三隊  
即由長溪嶺進攻鎮邑遊擊黃泰等帶兵五百餘名接應朱  
貴併力攻取鎮城此兩路兵勇共計前後八隊分路會齊前  
進以便奮力勦殺逆夷收復城池並豫先密令城內城外埋  
伏各勇如聞有各處槍礮喊殺之聲城內則乘勢舉火擒斬  
夷目城外則暗中藏伏僅遇逆夷奔逃即於中途要截彼時火

攻各船即乘其窮蹙忙亂之際順風縱火焚燒夷船並查  
甯鎮兩城通中之地名曰梅墟江面寬約數十丈為夷船  
往來必由之路地勢尤為扼要特於該處對岸札派遊擊  
謝天貴等豫伏河北勇壯五百餘名中途截殺並令紳士  
李維鏞等帶領本省鄉勇二千五百名幫同挂纜沈船併  
力截其來去救應船隻復派令都司李偉舉候補通判王  
壽錢等帶領河北勇壯四百餘名台州義勇五百餘名從  
水陸兩路分頭截勦策應凡各要隘處所均令安設礮位  
乘勢轟擊總不使逆夷得以乘船幸逃遠遁仍於各山舉  
及河曲林密之處多插紅旗作為疑兵用以擾亂夷情並

札飭定海一路。或同日或後一日約期動手。毋致前後參差。等調撥已定。等文。蘇統領江甯旗兵八百名。四川兵四百餘名。山西兵四百名。安徽壽春鎮兵四百名。即進駐長溪嶺地方。督催六路前敵。並兩路策應兵丁同時奮力勦殺。至江西兵丁一千名。稍形柔弱。應即令其往返各路護送礮位。並在曹江之百官等處屯紮。守護行營糧臺。等文。經統帶河南官兵一千名。餘丁一百五十名。山西擡礮兵丁二百名。現進駐曹江東關地方。就近督催調撥各隊兵丁。步步為營。接續前進。此地距省城僅止二百餘里。即使逆夷勢窮分竄。仍可回兵攻勦。亦不致有遲誤。我兵一

經克復兩城。茅奕經。文蔚即當合兵一處。擬一面料理防守事宜。一面即督率兵勇乘勢過海。彼時料定海一路已可得手。即併三為一。合力勦洗。庶可掃除妖孽。以伸

天討而快人心。一俟風潮順利。總在正月以內。即可定期會齊進

勦

殊批嘉卿等布置妥密。仰仗

天

祖默佑。必能成此大功。朕引領東南。敬待捷音。立頒懋賞。

諭軍機大臣等。奕經等奏徵調兵丁招募勇壯均已到齊。剋期進勦。一摺。覽奏欣慰。此次進兵收復各城。分路會齊。明攻暗襲。該



逆受創之後必四路分竄該將軍已慮及乍浦海甯上海等處恐為遁逃淵藪均派重兵防堵又將庸懦士卒撤換江西柔弱兵丁祇派令護送礮位看守糧臺並將余步雲派赴距甯波府城較遠地方防守未令赴敵種種布置詳慎周密朕心欣悅諒將軍等必能剋期進剿揚我國威斷不令該逆揚帆遠遁朕引領東南日盼捷音之至也勉之

浙江巡撫劉韻珂奏臣於本年正月間疊據駐防乍浦之杭嘉湖道宋國經會同委員江蘇海州直隸州知州王用賓稟報擒獲白夷二名黑夷二名隨同黑夷行走之定海縣幼孩一名又殺死白夷一名據稟係丁憂之候補批驗

所大使鄭鼎臣湖州協候補守備徐積寶遵令投效之候  
選從九品姚復輝軍功頂戴詹成功等督率勇目柳鎮賀  
芳洲沃正明顧大槐等帶同壯勇潛往定海或在岸上擒  
拏或路遇杉板船直至其船內擒獲殺斃壯勇亦有受傷  
之人。經該道等先後賞給洋錢一千五百圓將所獲各夷  
解送將軍行營。又據委員安徽泗州直隸州知州張應雲  
稟報正月初十日。探聞逆夷自甯波開行。欲至餘姚。當與  
侍衛容照等密商。遵令投效之已革安徽縣丞李維鏞等  
率領水勇密駕船隻前往截拏。十一日丑刻駛至餘姚之  
蜀山渡地方。遇有杉板船四隻。即開槍礮轟擊。各逆亦開

啟拒敵李維鏞等督令各船奮勇前進擊斃夷匪無數勇  
目錢久才錢大才縱過夷船錢久才殺斃執旗發令之白  
夷一名割取首級錢大才亦生擒黑夷一名各回本船夷  
船隨即逃竄現將白夷首級及黑夷一併解赴將軍行營  
各等情臣查數日之中各委員及義勇人等或深入巢穴  
或迎赴中途擒獲俘囚殺斃醜類殊屬奮勉出力當大軍  
進剿之際屢有新獲洵足鼓士卒之心奪逆夷之氣現在  
所獲各夷均已解營應聽將軍訊明查覈辦理

硃批知道了

丁亥浙江巡撫劉韻珂奏竊照上年八月間逆夷復至浙

省滋擾定海鎮海等處相繼失守。臣以需用甚繁。奏請

敕部籌撥銀三百萬兩以供支放。嗣准戶部議撥銀二百萬兩。至十二月間。又經續撥銀一百萬兩。除山西山東河南陝西江西江甯等省鹽課等款銀四十六萬六千兩尚未解到。外計共收銀二百五十三萬四千兩。內將軍參贊暨密辦軍務各委員先後在蘇在浙支提銀一百一萬九千七百兩零。現又續提銀六萬四百兩零。又撥還河庫墊發義勇安家口糧及製買馬鞍銀一萬二千一百兩零。三共銀一百九萬二千三百兩零。餘銀一百四十四萬一千六百兩零。為江浙兩省各糧臺支發之用。計自鎮海失守至今時

經五月支應兵糧製造器械修築墩堡雇覓夫船用項極為繁劇臣與總局司道覈實給發無如款目紛繁欲省之而無可省現在蘇州藩庫止存銀三十餘萬兩而浙省先因咨提蘇省存銀未到已在藩運二庫墊用銀二十餘萬兩以蘇省之存銀提還浙省之墊款祇贏銀一十餘萬兩即山西等省將未解各銀全數解到亦止銀五十餘萬兩將軍參贊現正督兵進剿需用孔殷勢必接續支提而省局暨紹興曹江等處糧臺應給兵勇鹽糧夫船價值等項計數尤鉅且甯波郡縣一經克復即須籌辦善後上年前欽差大臣裕謙止辦理定海一處善後事宜已用至數十萬金若

三處同時並舉。為費更屬不貲。又各州縣承辦兵差。多係籌墊供支。均應發還歸款。為數亦屬不少。現在軍需項下。餘銀既屬無多。且內有四十餘萬兩。尚未解到。而浙省藩運二庫。並無可墊之銀。若不豫請撥濟。一將現存之銀支用完竣。此後無銀可支。必致貽誤軍務。相應仰懇

聖恩。俯念浙省待用甚迫。

飭部再行籌撥銀二百萬兩。速解浙江藩庫存貯。以便就近支提。一面

飭下山西山東河南陝西江甯江西各撫臣。迅將前奉部撥之鹽課等款銀四十六萬六千兩。剋日遵照部文。解存蘇州藩

庫俾浙省得以先行提用以期無誤軍需

諭內閣劉韻珂奏籌撥軍需銀二百萬兩著戶部速議具奏其前經部撥之鹽課等款銀四十六萬六千兩著山西山東河南陝西江西各巡撫及江甯藩司剋日遵照部文解存蘇州藩庫以備浙省提用毋稍遲延

辛卯揚威將軍奕經參贊大臣文蔚奏竊等前因兵勇均已到齊調派文武員弁及本地紳民分隊管帶屯紮各路分作三路進剿三城等文蔚督催前敵等奕經居中調遣等特依順後路應援當將布置一切情形奏明在案乃逆夷近日聞大兵雲集無日不水陸四出遠近掇掠拆壞

民房捉拏鄉民。追究屯兵處所。又於正月二十五六日間。即先至岱山等處。分頭拏捕。經該處委員派撥伏勇迎拒。打退。連日互有殺傷。惟時拏等業已調派兵勇。一赴距甯郡三十餘里之大隱山。一赴距鎮邑三十餘里之駱駝橋。兩處分屯。並據各委員密稟。內應勇壯均已安插妥協。兵勇距敵較近。惟恐稍遲。致有漏洩。當即密令於二十九日四鼓後。內外夾攻。分路勦襲。拏奕經即於二十九日亥刻。探聞本夜官兵已得手進城。後又忽報我兵仍退出等語。不勝駭異。旋據帶兵官及各委員陸續稟報。始知二十九日夜間。都司李燕標帶領河北勇壯。先行潛赴甯波南門。



內應接。入。即將守門逆夷全行殺斃。其南門守礮夷人亦被伏勇殺散。該勇等因夷目多在府署居住。進至府署前。見大門堅閉。四面牆垣高峻。難於爬入。即用槍礮轟擊。逆夷驚覺。迎門放槍。惟時後路繼至。人人奮勇向前。殺死逆夷數十人。漸與夷目相近。乃該逆等均攜有手槍。長不過數寸。一發雙聲。循環不斷。我兵間有受傷。仍復奮力前進。而兩邊高樓中。夷人連施三尖火塊。並火毬。火箭等物。勢如飛蝗驟雨。本地嚮導伏勇膽小怯懦。即紛紛退後。繼至勇壯不知前路情形。踴躍攻進。遂致前後壅塞。立腳不住。其時總兵段永福帶領四川官兵屯岳及河北勇壯大隊。

已抵西門。因見城內火起。又聞槍礮喊殺之聲。屯兵即爭先奮勇。爬城攻門而入。乃城內街道逼窄。其寬不過五六尺。夾街盡係高樓。夷人即從樓上拋擲火毬。火箭蔽空而下。較前尤多。竟至無處躲避。其各港口逆夷漢奸。施放短礮。烏槍。攔路要截。我兵均奮勇力戰。殺斃夷匪百餘名。尤可恨者。漢奸冒充鄉勇。雖有記認。黑夜之間。我兵辨認不清。迨覺伊等暗中傷害我兵。我兵始放手攻擊。殺斃無數。惟樓房過高。均係直牆。無梯可上。嗣後兵勇入城。人數愈多。更形擁擠。槍礮長械。均不敢施展。相拒至辰刻。天已大明。祇得陸續退出。尚有夷匪數十人。隨後尾追。因已豫先

伏兵排列擡礮擊斃過半始行退去。此勦襲宵波未能得力之實在情形也。至鎮邑兵於同日勦襲該城內夷匪尚屬無多。大半在船居住。其船隻俱圍城停泊。都司劉天保、聶廷楷等帶領河南河北勇壯於五鼓時見該城門樓火起。知係內應。即衝門而入。逆夷旋來迎拒。該勇等奮力向前。當即擊殺夷匪數十名。惟鎮城夷船最多。原係密令火攻船隻。沿河焚燒。作為接應。該都司等帶領勇壯往來喊殺。三次出入城門。時已天明。止見門樓飛火。焚燒三桅大夷船一隻。並未見有火攻船隻接應。惟恐逆夷截我歸路。兼之我兵傷亡亦有數人。即行退出。有副將朱貴各隊從

後接應。仍回大營屯紮。此勦襲鎮邑未能得力之實在情形。也是夜又在甯郡城外焚燒火輪船一隻。杉板船三隻。燒斃逆夷多名。不知確數。又擊斷三桅大船頭桅一根。並燒去上蓋。其時梅墟一帶有鎮海夷人。駛駕杉板船數隻。乘潮赴甯。復經遊擊謝天貴等開礮擊壞船隻。並擊斃逆夷數名。惟火攻船隻係屬委員舒恭受李維鏞等承辦。李等曾札令先期於各小港隱藏。屆時撐出。逼近逆夷大船焚燒。何以臨期未見舉動。連日嚴密查問。或云穿山一帶船隻豫備。本地人民瞥見。告知逆夷羅卜丹。該逆帶領多人。先將水手驅散。或云各路火攻船隻水手舵工。臨時多

索價值故未能及時撐出所說不一均非確情容俟查明分別辦理查此次進兵勦襲兩城兵勇均已攻進甯郡已得手入城祇因樓高路窄人人爭先轉致擁擠兵械未能施展而該逆等手槍火箭速而且多較之火礮鳥槍尤為兇猛以致力不能支仍復退出鎮邑則以火攻船隻未及接應亦復旋進旋退統計兩路僅止擊斃夷匪四百餘名轟燒大小夷船六隻兵丁勇壯間有傷亡現在派員查點其奮勇受傷各弁兵亦俟等查明再行詳細具奏惟等奉

命出征布置數月之久勦襲各城未能即時克復實由等調撥

一切未能妥善。咎無可辭。相應請

旨。將李奕經。李文蔚。交部嚴加議處。李奕經仍駐紮曹江東關。李文蔚仍駐紮長溪嶺。現在兵勇雖間有損傷。猶復人人奮勇。志切同仇。奴才等惟有密計熟商。激勵士氣。剋日相機進剿。務期殲此醜類。仰慰

聖懷。惟查近日續接總兵段永福都司劉天保稟報接仗情形。與李等前次調撥條款。又多未能符合。其究經因何參差之處。應詳細查明再行奏

聞。請

旨辦理。再定海一路亦係李等密令同時舉事。因遠隔重洋。尚無

消息。等甚為懸切。差人密探。現亦未得確信。合併聲明。  
硃批。逆。嘆。深。堪。髮。指。

諭軍機大臣等。奕經等奏。勦擊甯鎮兩城。未能即時克復。一摺。據  
奏。正月二十九日。四鼓。官兵潛赴甯波南門內。應接入。殺斃守  
門守。礮逆夷。該逆等攜有手槍。並施放三尖火塊。及火毬。火箭  
等物。漢奸冒充鄉勇。黑夜不能辨認。人眾擁擠。礮械難施。仍行  
陸續退出。鎮海城內。亦經官兵衝門而入。擊殺夷匪。因火攻船  
隻未到。亦仍退回。等語。逆。嘆。兇。殺。情。狀。殊。堪。髮。指。該將軍等現  
於甯波城外。焚燒火輪船一隻。杉板船三隻。擊斷三桅大船頭  
桅。燒去上蓋。復於鎮海城外。焚燒三桅大船一隻。梅墟一帶。亦

經開礮擊壞杉板夷船。又兩路擊斃夷匪四百餘名。現在我兵  
爭先思奮。仍當激勵士氣。以期剋日奏功。萬不可因其槍箭兇  
猛。稍形畏葸。此次官兵既進復退。或因樓高路窄。兵械未能施  
展。或因所備火船未及臨期接應。尚屬有因。嗣後必須一鼓作  
氣。奮勇直前。毋許稍萌退志。仍蹈從前覆轍。是在該將軍等嚴  
申紀律。密運船鈴。以副委任。此次出力員弁及傷亡兵勇。著即  
確切查明。據實具奏。鎮海火攻船隻。果能按期齊到。焚燒夷船。  
城內奸夷。自必驚惶無措。我兵更易得手。乃竟遷延不至。以致  
逆夷毫無顧忌。併力抗拒。此項船隻。因何遲誤。並著一併查明  
具奏。該將軍等。自請嚴議之處。此時暫毋庸議。諒該將軍等必



能通盤籌畫。謀勇兼施。斷不因一時未能得手。自隳銳氣。至定海一路。尚無消息。朕心實為懸念。一俟得有確信。即行馳奏。

又

諭本日據奕經等奏。勦襲甯鎮兩城逆夷。未能即時克復。一摺。原摺著鈔給訥爾經額閱看。將此密諭知之。

壬辰

諭內閣。耆英著馳驛前赴廣州將軍之任。

揚威將軍奕經。參贊大臣文蔚。奏竊逆夷自正月二十九日。甯波鎮海二城接仗。以後公然不懼。各逆每日領帶夷兵。駛駕火輪船。漢奸為之導引。在甯波慈谿地界。數十里。

內外各路檢查。凡係曾經住居兵勇屯駐火藥之房屋廟宇。無不用火礮火箭轟擊。李文蔚大營屯紮長溪嶺頭山嶺層疊接聯慈邑。連日將各處兵勇調撥屯紮。派令管帶兵勇之副將朱貴遊擊謝天貴都司劉天保等。在慈邑北門外各山分營暫屯。以為前路犄角之勢。即再行進兵。亦於甯鎮兩城就近。乃該逆等於二月初四日午刻。駛駕大夷船二隻。杉板船數十隻。徑進大西壩。又有火輪船二隻。亦隨帶杉板船數十隻。駛至文亭。復由漢奸指引。在祝家渡地方。將前次暗伏勇壯之民房數十間。開礮轟擊。全行燒燬。轉向東北。駛至距慈邑三里之太平橋。停泊。又火輪

船一隻。即在丈亭地方橫阻。以截大隱山兵勇援路。維時副將朱貴等遠聞礮聲。旋見有形狀如商民數百人。直入慈谿縣內。尚謂鄉民避礮進城。即慮逆夷攻撲營壘。隨即排隊豫備迎敵。不意轉瞬間。此項商民忽由北門衝出。脫去外面衣服。手持槍械。始知盡係逆夷裝扮。即開槍攻擊。轟斃逆夷數十人。我兵並無損傷。勇隊亦即向前助攻。頗為得力。其時由太平橋北來大隊逆夷。業已攏近。兵勇等人人奮力。復擊殺逆夷數十餘人。正在相持間。又忽由城根轉出假充鄉勇之夷人漢奸一隊。忽脫去號褂。由東門向營壘橫衝。我兵益加奮勇。三面迎拒。不意慈谿山背後

突有無數夷人。爬赴山頂。槍礮齊發。由上衝下。兵勇立腳不住。傷亡數百餘人。回視營盤帳房。已被火箭燒燬。槍已擊熱。鉛丸火藥。又皆用盡。力不能支。遂各潰散。茅文蔚本日未刻。接據探報。有大小夷船多隻。在大西壩丈亭等處往來。即於嶺頭瞭望。遙見夷船來去如飛。火光沖天。礮聲不絕。正在差人探視。旋聞慈谿縣城有槍礮之聲。時因慈谿山營盤去長溪嶺尚有二十里之遙。趕緊調派都司劉鳳翮帶領山西擡礮兵一百名。四川烏槍兵二百名。迅速前往接應。乃山勢彎曲。其前路狹窄處所。已為漢奸暗中焚燒。隨令各兵剷除。而勇壯漸已退回。前面擁塞。遂致救

應不及其時天已昏黑。逆夷亦各回船。兵勇紛紛來營。而各山溝數處火起。不知何人所放。並有假扮鄉勇難民數百餘人。徑入長溪嶺山口。當即派員前往攔阻。查李文蔚所帶兵丁。僅止一千餘名。除撥守糧臺及本日派去接應兵丁。其留營官兵。為數無多。恐不敷抵禦。致有疏虞。即時飭令移營。李文蔚甫經下山。未及數里。嶺頭業已火起。對山又有火箭飛來。帳房什物大半燒燬。嗣經查明。即係假扮鄉勇漢奸之所為。李文蔚於二月初五日亥刻。回至曹江。與李奕經會合一處。查點此次接仗員弁。祇有遊擊謝天貴。凌長星。都司劉天保等。趕到。其副將朱貴等。是否存

亡尚無確耗。統俟將前後兩次傷亡及奮勇出力各將士詳細查明再行具奏請

旨分別辦理。惟李等前於正月二十九日攻取甯鎮兩城。既未能即時克復。此次慈谿接仗復致失秒。李奕經身膺統率調度無方。李文蔚專督前路。前次攻城既未得手。茲復被逆夷燒燬營盤。損傷將士。實屬無能。李等辜負

天恩。咎實難辭。惟有請

旨將李奕經、李文蔚交部從重治罪。以為昏昧無能者戒。惟查此次浙東用兵。該省水陸地勢處處港汊紛歧。其旱路止能沿河行走。寬者不過四五尺。勢難大隊進剿。是以李等數

月以來悉心籌畫必須明攻暗襲正奇並用或能得手不  
意曹江以東到處漢奸充斥商民十有七八孰奸孰良竟  
莫能辨所有拏等現在兵勇數目若干營盤幾處某日行  
至某處以及帶兵官員面貌姓名莫不詳細記認至逆夷  
船堅礮利向止於水路為便而所有甯波一帶山勢陸路  
漢奸處處為之導引反較我兵熟悉拏等帶領官兵由蘇  
來杭時號稱精兵十二三萬原欲震懾夷心使之畏懼乃  
自兵過曹江所有兵勇若干俱為漢奸逐隊細數官兵虛  
實逆夷無不盡知以故兩次接仗轉致失利在此等漢奸  
不過貪彼洋銀乃至奉

旨准其自拔來歸並准其立功一體賞賚如此

天高地厚之恩竟不能回心向化李等恐愚民無知不解文義除張貼告示以外復編成俚俗之言刊刻手諭幾千百張徧行傳布數月之久總無一悔罪來歸者自外生成與犬羊為類甚至打仗之際百姓男婦毫無畏懼從旁指點嬉笑竟不知是何肺腑李等現已拏獲數名其中竟有膽敢夜入李文蔚營內逼近暗窺之人現在訊取供詞愈究愈眾李等誠不料該處人情敗壞至此刻下若照前次局面辦理仍屬於事無益曹江地面逼近賊巢漢奸窺伺軍情朝發夕至布置一切必不能十分嚴密自未便仍在曹江屯



紮查紹興府城去曹江不及百里城內地勢亦屬緊嚴且  
教場寬展儘可屯紮官兵李文蔚即暫駐紹興待罪一面  
休養士卒調派前路防守事宜但此時春潮漸長前次漢  
奸已代逆夷聲言有欲由鼈子門內犯省城之謠而定海  
一路是否得手又有夷船在黃盤洋游奕梗塞該處亦無  
確耗若未能牽其後路則海口尤宜加意防守李特依順  
現雖統帶官兵在萬松嶺駐紮遙控尖山乍浦兩路以目  
前情形而論乍浦本省守兵及撥調陝甘官兵共有四千  
七百餘名山東及福建鄉勇亦有二千餘名尚堪防禦惟  
尖山一帶止有湖北官兵一千名在海口駐守且須分屯各

堡恐不免於單弱。至其地勢究竟若何。夷船是否能到。必須逐一履勘確實。茅奕經即由曹江帶領河南官兵一千名渡錢塘江。順海塘親赴該處查看布置。如有逆夷窺伺。即就近控制應援。此後宜如何籌辦之處。茅等竭盡心力。公同細商。務期盡職。醜類庶以稍贖前愆。

殊批。憤恨何堪。筆難宣述。

諭軍機大臣等。本日奕經等奏長溪嶺慈谿山營盤被焚一摺。據奏逆夷於二月初四日。駕駛大船徑進大西壩。復有火輪船駛至丈亭。漢奸為之指引。並假扮商民鄉勇。橫冲營盤。慈谿山後突有夷人爬越山頂。槍礮齊發。我兵力不能支。其長溪嶺山口。

亦有假扮鄉勇難民賊匪施放火箭焚燒營盤文蔚移駐紹興府城。奕經即由曹江帶兵渡江應援尖山一帶等語。覽奏不止失望憤恨之懷難以言喻。已由六百里諭知齊慎令其兼程赴浙並調陝甘兵二千名赴浙會勦矣。該將軍等暫令戴罪立功以觀後效。現在存營官兵計尚不少。據奏遊擊謝天貴凌長星都司劉天保業已趕到。副將朱貴等尚無確耗。著將現在存營兵數同傷亡將士一併詳查據實具奏。該將軍等身膺重寄。仍當激勵將士另行設法。慎密布置。可戰則戰。當守則守。斷不可以偶爾失挫。少形畏蕙。以致兵氣不振。所關甚鉅。至乍浦地方甚關緊要。尖山一帶逼近省垣。務須嚴密備防。不可稍有疏失。

又

諭本日據奕經等奏長溪嶺慈谿山營盤被賊焚燒文蔚已退回  
紹興府城奕經帶兵渡江應援尖山一帶已諭令嚴密防範矣  
江蘇上海寶山一帶與浙洋地面毗連難保逆夷不乘間竄入  
著牛鑑督飭在防員弁小心偵探認真備防毋稍疏虞

又

諭前有旨令齊慎折回四川現在浙江軍務緊要齊慎無論行抵  
何處接奉諭旨即著馳驛兼程前赴浙江會同奕經等辦理夷  
務

又

諭前有旨令富呢揚阿等豫備陝甘官兵二千名聽候調撥現在  
浙省軍務緊要著該撫一面知照恩特亨額一面選派曾經帶  
兵員弁即日分起管帶飭令迅速前赴浙江交奕經等差遣毋  
稍遲誤仍飭沿途嚴加約束毋使滋擾

浙江巡撫劉韻珂奏竊臣前因揚威將軍與參贊大臣文  
蔚先後自省東渡進次曹江文蔚已於正月二十六日督  
兵進剿恐該逆於被剿之後到處奔突以圖牽制當經分  
飭各屬嚴行防禦茲據前任福建藩司鄭祖璠臬司蔣文  
慶及慈谿縣知縣王武曾等疊次來稟據稱文蔚自曹江  
進至慈谿縣之長溪嶺駐紮二十九日寅刻貴州安義鎮

總兵段永福等統領兵勇攻入甯波府城。逆夷據樓抗拒。彼此互有殺傷。我兵旋即退回。又將軍等所雇河南等省鄉勇。於是日同時攻搗鎮海。因逆夷出城迎敵。鄉勇未及進城。亦即退轉。復據平湖縣知縣胡培荃稟稱將軍等所雇江南崇明川沙等處水勇於二十四五等日自乍浦出洋。前往定海之岱山停泊。旋與該逆接仗。各鄉勇復自定退至乍浦。各等情前來。臣查曩所稟多係輾轉探報之詞。至於我兵如何進攻。如何退回。以及逆夷之如何拒敵。稟內均未聲敘。現在大軍業已退回。諒將軍等自必相度機宜。另圖進取。第郡縣未復。兇醜尚張。該逆性類虎狼。難保

不以報復為名。藉端思逞。在曹江一帶。有將軍等統兵駐紮。該逆或不敢即圖侵犯。即使果來侵犯。將軍等亦可就近策應。不致他虞。惟乍浦距曹江較遠。而與定鎮則海道相連。去冬該逆業已至彼窺伺。今自本年正月以來。疊次檢獲白黑夷俘。皆由該處進出。此次又自該處遣發水勇前赴定海。旋復自定退回。該逆耳目眾多。勢必偵知。備細誠恐其挾憤逞毒。突來攻擾。該處雖經將軍等添有兵勇。而聲勢究不若曹江之壯。且巨浸汪洋。該逆大船可以蟻附塘下。地勢更與曹江不同。情形實為喫重。又海甯之尖山一口。密邇乍浦。儻乍浦有警。更恐該逆分船由尖山直

犯省垣。現在參贊大臣特依順。雖仍在省駐守。惟其所統之湖北山陝等兵三千二百名。業經將軍等調去四百名。僅止二千八百名。較去冬兵勢稍單。而自尖山至省道路綿遠。竊恐堵剿為難。臣現已諄飭在防文武實力防範。如果該逆突至。惟有會同特依順激勵兵勇奮力攻擊。以期保衛。

劉韻珂又奏。再臣前因部撥軍需銀三百萬兩。除山西等省未解銀四十六萬餘兩外。餘銀二百五十三萬餘兩。經將軍參贊等密辦軍務各委員。暨江浙兩省各糧臺陸續支提。祇餘十餘萬兩。不敷應用。當經奏請



敕部籌撥銀二百萬兩以供支用在案。惟是由部籌議之後，再於各省撥解來浙有需時。日浙省現在需用甚急，勢難緩待。臣與總局司道逐加籌議，自應就近先行借款墊用，庶可無誤要需。查兩浙商人前此報效銀一百二十萬兩內，十二萬兩據該商等於奉。

旨後呈繳現銀業已收入軍需項下支用，無存其餘一百八萬兩。各商係分作六綱，按引輸納。經臣奏明先於運庫外輸雜款內動墊。茲經運司查明雜款內約可墊銀四十萬兩。除先因咨提蘇省存銀未到，借支運庫銀十萬兩外，尚可動銀三十萬兩，應即儘數提用，以應目前之急。若此款支用。

完竣之後山西等省未解各銀業已解到或此次請撥之  
二百萬兩奉部議准鄰近各省已有解浙之銀自可勿庸  
另籌設彼時尚無解到或解到銀數有限自不得不再籌  
接濟之策查浙省藩庫二庫各存正雜兩項銀四十餘萬  
兩皆係應用支放之款惟軍需緊要與他務不同自應先  
其所急應請於藩庫內備銀十五萬兩運庫內備銀二十  
萬兩俟商捐一款用竣之後接續支提仍俟前請之二百  
萬兩奉部議准各省解到後隨時撥借還款俾供支放如  
此款支用完竣而各省仍無銀兩解到則浙省無銀可墊  
勢不得不在鄰近之江蘇省通融那借以資轉輸相應仰

乞

聖恩

飭下江蘇督撫臣於該省藩運各庫內湊備三十萬兩以便浙省

各款支用完竣後續支應用此項亦於前請之二百萬兩  
按數撥還以清款目

諭軍機大臣等劉韻珂奏大兵尚未克復郡縣現飭各屬加意防  
堵一摺覽奏已悉本日復據奕經等馳奏逆夷勢甚猖獗兼有  
漢奸扮作商民鄉勇肆行抗拒傷我官兵殊堪痛恨所有尖山  
各處海口亟宜設法防堵著該撫隨時咨商將軍參贊等妥為  
辦理毋稍疏虞又另片奏先提運庫銀三十萬兩應用如山西

等省銀兩。及部撥銀兩未經解到。再於藩庫備銀十五萬兩。運庫備銀二十萬兩。接續支提。均著照議辦理。至所稱再有不敷。請於江蘇藩運庫內備銀三十萬兩等語。即著移咨江蘇督撫。豫為籌備。

甲午。

諭內閣。穆彰阿著馳驛前往天津。會同訥爾經額商辦事件。

諭軍機大臣等。現當海防喫緊之際。訥爾經額調度一切。必應擇要駐紮。呼應。始靈。胡超帶領精兵。亦須屯紮海濱。方資捍衛。著訥爾經額即移駐葛沽。胡超移駐大沽。所有糧臺軍火一切。俱著移近該督行營。以便隨時支撥。本日已降旨。派穆彰阿前往。

天津會同商辦事件。該督接奉此旨。即在天津府城靜候穆彰阿到時。妥商一切。

又

諭逆夷占據浙江郡縣。將軍參贊等攻勦未能得手。據稱徧地皆屬漢奸為之導引。且逆夷詭譎異常。往往於接仗之際。扮作鄉勇商民難民。使我兵不能辨別。臨時脫去號褂。及外面衣服。手持槍械。併力抗拒。該逆如此詭詐。殊堪痛恨。既恃船堅礮利。游奕海面。復假扮內地良民。巧為潛匿。又分作數路。同時突出。使我兵應援不暇。以致勢將得手。旋被橫衝。浙省如此。他省恐不免施此伎倆。奉天直隸山東漢奸雖未必如南省之多。而亦難

保必無。誠恐貪嗜重利。為之勾串引導。不可不先事豫防。該逆若施詭計。必於黑夜之中。令漢奸假扮兵勇商民。潛入內地。更難辨別。著禧恩。訥爾經額。托渾布。各就所屬海口情形。嚴加堵禦。不時偵察。如實係商民難民。固不可任聽吏胥。按求滋擾。儻其形跡可疑。必須切實根究。毋令奸匪竄匿其間。其營中一切衣裝號令。務當隨時密傳。不令夷人漢奸豫行知覺。無論晝夜。我兵易於辨識。所謂晝戰目相視。足以相識。夜戰聲相聞。足以相知也。至該夷船隻四出。擾累沿海省分。難保不乘潮游奕。前來窺伺。設使該逆復萌故智。將夷匪及漢奸扮作鄉勇商民。難民分路登岸。該將軍督撫作何辨別策應。並如何杜絕奸謀之

處著分別妥議具奏。至天津商船到口之時。必應如何稽查。不致奸民滙入。此層最關緊要。尤當悉心籌畫。毋得稍存大意。並著剴切曉諭軍民人等。該逆悖理絕義。定遭天譴。兇戾不能久張。遊魂漸就漸滅。仍當同心戮力。敵愾奏功。斷不可稍形畏葸。自隳銳氣。以副朕激勵眾心。豫杜奸萌至意。

丙申。浙江巡撫劉韻珂奏。竊臣於二月初六日。接准防守上虞之衢州鎮總兵李廷揚函稱。探聞初四日。我兵與逆袁在慈谿縣城外接仗。勢甚危急。次日又接行營糧臺委員毓秀、張銑等會稟。長谿嶺參贊文蔚大營。於是夜被逆夷放火燒燬等情。臣接閱之下。萬分焦灼。正在確加查探間。

楊威將軍旋自曹江回省。臣細加詢問。據云。是日逆夷與假扮商民鄉勇之漢奸。分為數隊。先在慈谿縣城外。與我兵接仗。四面攻撲。其槍礮火箭。又極猛烈。我兵死者五六百人。營盤帳房。俱被焚燒。兵勇勢不能支。紛紛潰散。至昏暮之際。又有漢奸數百人。假充難民鄉勇。徑入長谿嶺山口。山內復有數處火起。文蔚恐有疏虞。飭令移營。一面先行下山。乃行未數里。即被入山之漢奸。將營盤燒燬。臣復詢以前此攻城不克情形。據云。伊等自上年抵蘇以後。因堂堂正正之師。恐難取勝。是以委令安徽泗州知州張應雲等。與地方紳士。招撫該逆。任用之漢奸。令其用重賞。轉



邀義勇分伏城內俟大兵進剿之時作為內應詎被該逆探知豫作準備而用為內應者又反為賊用故城池未復兵勇轉多傷亡各等語伏查該逆滋事以來恣橫無忌上年定海鎮海之守備無不固若金湯而旬日之間蕩為灰燼臣已知該逆之兇饒難以遏抑然猶以本省兵勇類皆怯懦或者調集勁師可冀一勝故於鎮海失守之時即奏請調派精兵來浙攻剿以期克復仰蒙我

皇上不惜度支簡調川陝等省師徒遠道赴浙皆係久歷行陣之人迥非本省官兵可比且揚威將軍等抵蘇後又招集江南山東等省義勇多名其精壯勇悍亦無異於川陝之兵

聲勢已不為不壯。況將軍等密籌數月。一切布置區處。悉從隱秘。臣忝任封圻。猶且不能深悉。遑論其他。是機宜亦不為不密。以將軍等之深謀秘計。加以各省之勁旅銳師。似無難於擒渠掃穴。臣祇慮大兵到後。該逆畏懼遁逃。竄擾他處。初不料攻勦竟無成功。轉致損兵折將。實為事出意外。浙省自去秋以後。官紳士庶。無不企望捷音。乃延頸數月。復聞敗衄。人心渙散。愈甚於前。竊恐此後之用兵。更為不易。而目前之大局。深屬可危。臣焦慮私衷。難以枚舉。謹為我

皇上臚陳其概。查此次調集之各省兵勇。兩遭挫衄。銳氣全消。即

防守他處未經接仗之兵亦皆聞敗中餒若復欲鼓而用之其勢必難再振臣所焦慮者一也現在各兵既難深恃似宜另調然西北各省距浙寫遠非四五月之後不能到齊該逆驕縱已極未必如前此之伏而不動事等然眉豈能遠待於四五月之後況各省額兵類皆強弱參半即如浙省初次所調之壽春兵極為精勇及第二次復行調派其膂力材技與初次迥不相同他省情形諒亦如是是即續行添調亦恐無濟於用臣所焦慮者二也該逆火器之精不獨大礮一項其火箭火彈亦無不猛烈異常無可抵禦我兵以血肉之軀安能抵此毒燄臨陣之際該逆先在

遠處施放火器。我兵但有數十百人。被其所傷。則餘眾自然瓦解。雖有技勇。亦無所施。臣所焦慮者三也。論者本謂該逆不長陸戰。而兩年之中。該逆之略地攻城。皆在陸路。且能爬越山嶺。又有漢奸為之導引。各處路徑。較我兵反為熟悉。其陰謀詭計。復在在出我所備之外。使我萬難防閑。臣所焦慮者四也。水戰尤為該逆之所習。我欲制其死命。必當籌海洋制勝之策。若僅攻之於陸路。無論現在師徒撓敗。未能取勝。即使日後幸獲勝仗。而該逆登舟遁去。我既無精練之水師。又無堅大之戰艦。祇能望洋而歎。逆猷未息。後患難窮。臣所焦慮者五也。該逆前此在定海。半

載有餘。茲在甯波等處。又經數月。以小信小惠。要結人心。在大家巨室。自不致為所誘。至無賴之徒。則皆被該逆勾充。漢奸樂為盡力。即有不甘從逆之人。亦因該逆並未凌虐。彼此相安。轉以大兵進剿為慮。是民間已鮮同仇敵愾之心。況此次將軍等往彼攻剿。先在甯波慈谿一帶屯紮。兵勇現被該逆偵知。將曾經住歇之房屋。悉用礮火擊燬。各民人因急公好義。橫罹摧殘。此後人皆畏禍。孰肯用命。遲之又久。恐為該逆之耳目者。將不獨在漢奸。臣所焦慮者六也。大兵屢敗。敵驕我餒。不唯攻剿綦難。防守亦極為不易。恐該逆所到之處。無復完城。而乍浦為江浙咽喉省。

城為根本重地。尤為緊要。現在乍浦。雖駐有兵勇六千餘名。然本省之兵。與閩省之勇。本不足恃。陝甘等處兵勇。為數又屬無多。設被該逆豕突。恐難堵禦。至省城距尖山一百餘里。道路綿長。兵勇之數。轉不如乍浦之眾。議者以尖山口內水淺沙淤。恃以無恐。不知該逆之杉板船。到處可達。原不論水勢之深淺。況目下春潮日長。水漸充盈。不特杉板船可進。恐火輪船亦可駛入。此際人情震動。士氣不揚。雖經臣督率文武。竭力鎮撫。而風鶴皆驚。迥非復從前之安帖。僅有逆船數隻。突然內竄。必致全城鼎沸。不戰自潰。且臣聞近來無業游民。希圖搶掠。竟有以該逆之內犯。

為可喜者。紹興嘉興等府。比比皆然。即省中亦復不免。人心如此。又何望共謀保衛。臣所焦慮者七也。浙省上年秋成。固屬歉薄。然未經成災之處。仍屬有收。乃有漕各屬。收納漕糧。業已數月。多未完竣。且有收不及半之處。實為從來所未有。皆由逆氛不靖。花戶人等。半已流離。半懷觀望。遂致輸納不前。追呼罔應。今大兵復又失利。催徵更屬為難。體察情形。實難免於貽誤。而地丁南米之不能催納。更可類推。且乍浦有警。則江省蘇松二府。亦難免震驚。不特收糧多有掣肘。並恐船行不無阻滯。臣所焦慮者八也。去冬杭州湖州紹興等府。所屬各縣。匪徒聚眾搶掠。勢甚熾。

張雖由十一月間猝被雪災而起實則因該逆滋事各匪明知地方官不能兼顧故遂藐法逞兇經臣分委文武多方彈壓咸惠兼施甫就解散然首要各犯尚未盡弋獲當此人心震擾之時難保不潛相煽惑散而復聚況上年雪災之後春花多未布種現在米麥蔬菜價日增即小民度日維艱即使前此各奸民未能復集安保此外不另有不逞之徒乘機而起臣所焦慮者九也自該逆犯順以來沿海七省警備已將兩載而逆勢轉益驕橫不惟浙省之防勦皆難即他省亦在在喫重該逆屢有至天津上海滋擾之謠難保其不果行竄突在各將軍督撫思患豫防自己



盡臻嚴密。然以浙省之前後覆轍推之。臣不敢謂他省竟爾無虞。設今再有失事。實屬大虧。

國體。且就令該逆不復他擾。而浙省一日不能罷兵。他省即一日不能弛備。計七省一月之防費。為數甚鉅。防無已時。即費難數計。糜餉勞師。伊於胡底。臣所焦慮者十也。凡此十端。皆屬必然之患。亦皆屬莫解之憂。若不早為籌畫。則國家之事。豈容屢誤。臣病軀摧挫。心急如焚。寢食俱廢。輾轉思維。並無良策。將軍現赴海甯州。查勘海口情形。參贊大臣文蔚留駐紹興府城。調度前路防守事宜。究竟此後應作何籌辦。將軍等似亦尚無定見。臣渥被

生成。若不將實在情形直陳於

聖主之前。設日後省垣不守。臣雖粉骨碎身。亦屬罪人。伏乞

皇上俯念浙省事在危急。獨操

乾斷。

敕令將軍等隨機應變。妥協辦理。俾浙省危而復安。即天下亦胥

受其福。臣不勝迫切待

命之至。

劉韻珂又奏再。臣正在拜摺間。接據慈谿縣知縣王武曾  
稟報。初四日我兵與逆夷接仗情形。與楊威將軍向臣面  
述之語。大略相同。惟稱是日逆夷礮彈火箭攻入城內衙

署倉庫暨民房被燬多間。又被入城之夷匪漢奸搶去米穀銀錢。旋即退出。在城外張貼偽示一紙。有勒令慈谿殷戶付給銀四十萬兩。限七日內付給一半。如逾限不付。即著夷兵前來力催等詞。又據署餘姚縣知縣林朝聘等稟報。初六日有該逆火輪船一隻。杉板船多隻。駛至該縣城外。至初七日早退去。等情前來。查該逆由慈谿竄入餘姚。自係窺探有無官兵。因大軍已退。故該逆亦即轉回。或偵探上虞曹江一帶兵勇情形。意圖內犯。亦未可定。且其在慈谿所貼偽示。逼勒殷戶付給銀兩。有七日不付。著夷兵力催之語。其情實可痛恨。

劉韻珂又奏再將軍等前在蘇州招集各省壯勇以助兵力。臣雖聞知其事。而各勇籍隸何省。人數若干。臣並未深悉。茲各勇在慈谿等處戰敗潰散。連日攜帶器械紛紛抵省。臣派員盤詰。有原籍江蘇者。有原籍安徽者。亦有原籍山東河南者。為數不少。臣以此項壯勇如仍須遣用。自應就近截留。若無須留用。則其所執槍刀等物。必須追繳。庶免恃械滋事。朱筆批當經咨准將軍以勇壯聽其自便。止將器械追繳等情覆覆。臣現已飭令省城巡防各員及沿途經由之會稽山陰蕭山石門秀水嘉興等縣遵照辦理。妥為彈壓。併因各勇人數眾多。潰散之時。四處奔竄。未必由大道。

行走。且該勇等性多兇悍。多有恃眾不肯繳出器械之人。浙省必不能收繳淨盡。復又移咨江蘇安徽山東河南各撫。臣飭屬一體巡查。如有成羣結隊執持器械過境者。即將器械追繳入官。以免事端。

劉韻珂又奏。再臣前請將已革兩江總督伊里布改發浙江軍營効力贖罪。未蒙

允准。

恩出自

上。臣何敢復行瀆請。惟念該革員之獲罪。究屬因公。其按兵不戰較之債事誤。

國者亦有區別我

皇上愛惜人材凡中外獲咎臣工苟心跡可原或荷棄瑕錄用或令戴罪立功者不知凡幾近如周天爵林則徐等亦皆令其及時自效仰見

聖度如天不使諸臣終身廢棄之至意伊里布與周天爵等同係遣戍之人情罪似無二致其公忠體

國並無急功近名之心臣生平之所見者止此一人現在將軍等差委需員除隨帶司員之外又調取各省之丞倅牧令來浙委用並令本省之舉貢生監查辦事件若老成謹慎不貪功不圖利如伊里布者正可以備任使況該革員

為逆夷所感戴。即其家人張喜。亦為逆夷所傾服。若令其來浙。或該逆聞知。不復內犯。亦未可定。可否仰乞

天恩。將伊里布發至浙江軍營效力贖罪之處。出自

聖裁。

諭內閣耆英著馳驛前往浙江。署理杭州將軍。奇明保著俟耆英到浙後來京候旨。

又

諭伊里布著改發浙江軍營效力。

諭軍機大臣等。劉韻珂奏大兵在慈谿失利。事勢深可危慮。一摺。此次大兵進剿。勢將得手。旋被橫衝。以致各兵潰散。人心惶惑。

所奏俱係實在情形。現在奕經等分據要隘。務當各矢血誠。安撫士民。保衛郡縣。該逆兇談甚熾。必四路分竄。擄掠尤當設法羈縻。毋令蹂躪地方。省城為根本重地。劉韻珂調度守禦。力恐不支。該將軍參贊等。必應極力防堵。毋稍疏虞。其曹江尖山乍浦等處。均應分兵防禦。處處周密。斷不可因偶爾失利。自隳銳氣。以期勉贖前愆。又另片奏。壯勇戰敗潰散。連日攜帶器械。紛紛抵省。該撫業經咨會各督撫等語。此項壯勇。本皆獷悍之徒。若聽其同時四散。恐饑驅勢迫。轉為夷人所利用。此層不可不慮。該將軍務當從長計較。或酌留備用。或咨令回籍。無滋後患。其已經出境者。現已降旨。由四百里諭令江蘇。安徽。山東。河南各



督撫沿途妥為彈壓。無令滋事。並將健壯者酌留備用。所持器械追繳入官。諒該督撫等必能遵照妥辦。又另片奏逆夷張貼偽示。勒令蕙谿殷戶付給銀兩。並有火輪杉板等船。在餘姚縣城外等語。該逆窺探需索。難保不乘機內犯。著奕經等與劉韻珂嚴密防範。體察情形。總以保衛城池為要。本日已降旨飭將伊里布改發浙江效力。並令耆英馳赴浙江。署理杭州將軍篆務。不日均可抵浙。該將軍等惟當協力同心。攘外安內。切不可再失事機也。

又

諭寄諭欽差大學士穆彰阿。本日據劉韻珂馳奏勦辦逆夷情形。

現已有旨諭令伊里布前赴浙江軍營效力。並令耆英帶同前往矣。劉韻珂原摺片著鈔給閱看。此事與訥爾經額無涉。斷不可向其告知。致天津海防稍有弛備也。

又

諭據劉韻珂奏浙江所募各省壯勇。因未能得力。聽其自回原籍等語。該壯勇等性多兇悍。浙省既無須留用。應將所執槍刀等物追繳。庶免持械滋事。現已陸續起程。恐在浙不能收繳淨盡。著牛鐸程甯器程株畧托渾布鄂順安各飭所屬一體巡查。如有成羣結隊。執持器械過境者。該地方官要為彈壓。並設法將器械追繳入官。其壯勇內如有驍健堪資效力者。分別酌留。以

備驅策。此外散歸各壯勇。俱著查明咨送回籍。交該地方官。妥為安置。毋令滋事。將此各諭令知之。

籌辦夷務始末卷之四十五

道光二十二年壬寅二月丁酉

諭軍機大臣等天津海口緊要已據納爾經額層層布置惟該逆詭詐多端斷不敢於現有礮臺重兵防守處所蜂擁而進儻遣人改裝易服於遼闊無人之境陸續上岸暗伏各處迨聚至多人然後統至礮臺後面突出逞兇我兵瞥見後路有賊勢必羣相驚疑不戰自潰是我兵所不及防之處皆該逆所必乘之隙既不能處處添駐重兵尤不可因水淺泥深遽信該逆不能登岸著穆彰阿會同納爾經額悉心體察妥密籌商務使無隙可乘方為盡善至天津府乃五方雜處之區尤關緊要儻該逆因

海口嚴防分遣漢奸匪黨扮作商民難民僧道乞丐及各色技藝人等形狀潛蹤分起溜跡入城作為內應我兵縱能環衛城垣力禦外寇而倉卒之際該逆從中滋擾或放火延燒或衝門橫突又將何以禦之並著穆彭阿等妥商定議設法嚴防斷不可僅就形跡可疑之人查拏了事全在派出得力各員并處處留心密為偵察俾地方不致騷擾而奸徒亦無從託跡方為周妥至現在江蘇安徽山東河南各省壯勇有經浙江遣散者難保不闖入直隸境內尤恐漢奸假託壯勇名色潛來窺伺著訥爾經額分飭所屬於該省交界地方嚴密稽查毋任此輩匪徒溜入滋事是為至要

戊戌

諭軍機大臣等。山東海口備防。疊據托渾布奏報情形。布置當已周密。惟該逆詭詐多端。於礮臺屯駐重兵處所。必不逞兇突犯。或乘風雨黃夜。於遼闊無人之處。改裝登岸。暗行埋伏。迨聚集多人。抄入礮臺後面。突出肆逆。致我兵驚疑失措。甚為可慮。著托渾布悉心體察。再行妥密布置。固不能處處添兵駐守。斷不可以地非險要。稍存大意。又該逆或因海口嚴密。無隙可乘。分遣漢奸匪黨。扮作商民。難民。僧道乞丐。及各色技藝人等。潛蹤分起。潛跡城市。豫為內應。表裏為奸。尤不可不先事豫防。並著托渾布諄飭派出員弁。隨時隨地留心偵察。不獨形跡可疑之

人立即拏究。遂信為查拏淨盡。務使匪徒無從託足。而地方仍不至騷擾。是為至要。至浙省調去山東及各該省壯勇。現經遣回。尤難保無助逆漢奸。乘機混入。並闖入直隸境界。昨有旨諭令該撫彈壓安置。並著飭屬嚴密盤詰。其該省回籍壯勇。固當妥為約束。即外來路過各項人等。亦須設法稽查。勿令奸匪涸跡。假道山東沿海地方。竄入天津一帶。致滋事端。

己亥。揚威將軍奕經參贊大臣特依順奏。竊。奕經於二月初八日。將慈谿山接仗情形。並曹江以東漢奸充斥。以致官兵失利各緣由。恭摺奏報在案。等因。當即移駐紹興。以便控制曹江。就近收斂兵勇休養士卒。等因。即於

次日前赴海甯尖山。查看該處形勢。其地距省僅止一百餘里。濱臨大海。水面約寬七八十里。一望無際。現在水勢漸淺。間有沙痕淤起。詢據土人聲言。秋冬之間。水涸沙淤。船隻易於擱淺。不便往來。若三月以後。挑汎泛漲。沙被水冲。即屬無險可恃。茅奕經詳細籌思。尖山一帶水面太寬。礮力難及。即使添兵防守。仍屬無益。惟七堡地方。稍為險要。現有總兵博勒恭武。分飭湖北兵。在彼按段防守。尚為周妥。惟地勢亦屬散漫。現在又無別處兵丁。可以增添協守。祇得添設礮位。藉資捍禦。並查省城為根本重地。銀杏埠渡口。緊接城垣。兵力尤不宜單。當將茅奕經所帶河南



兵一千名內酌撥一半。在該處屯紮。與萬松嶺為犄角之勢。其前次派守銀杏埠之壽春鎮兵二百名。即札令前赴海甯州。交割將岱昌調撥。擇要防守。旋於途次接到文尉來函。並附有夷書一件。查詢持夷書之人。係屬四川兵丁。因正月二十九日。在甯郡攻城接仗。火輒打破頭頂。暈倒被擒。關住數日。忽一日。夷目郭士立。將伊放出。給予洋錢三元。作為盤費。囑其持書送至大營。茅奕經當即回杭。與特依順。劉額河。公同商酌。現在兩次接仗之後。逆夷動靜若何。未能探聽確實。既係我兵持來夷書。即不拆閱。彼此無從知覺。當即公同拆閱。乃書中止欲將兩次失陷官兵。

與厯次擒到夷人彼此互換並無別項違悖字樣但該逆來書中兩次接仗情形並不提及實屬狡詐不知是何居心殊難測料等與劉韻珂再四籌商祇可暗中設法暫時虛為籠絡庶該逆不致遽行鴟張而果否能延緩時日尚未可知至所獲白黑夷人共計白夷四名黑夷五名是否准與釋放即令其將我官兵送回之處相應請

旨飭下遵辦等仍一面籌思善策務期盡掃夷氛用以稍贖罪戾惟浙省地勢河汊紛歧田塍逼仄既不能排列隊伍水路小船行走散緩更難禦火輪夷船調到川陝各勁兵雖人人奮勇又因路途狹隘不能施展如意其勢不得不因

本省紳士雇募鄉勇作為居停以及嚮道藏伏兵勇之用  
詎料該處人情險惡半係漢奸現在拏到數人連日訊據  
供出該犯等多由本省紳士雇充鄉勇又受夷人暗雇充  
當紅毛鄉勇希圖兩面牟利互相串通惟欲兵事不結兩  
邊口糧均可時常支領尤可恨者其中儘有本地良善紳  
民志切同仇曾經容留接濟兵勇之人俱為漢奸指引將  
其房屋什物盡行焚燒擄掠嗣後大兵進剿惟恐人心畏  
怯不敢再作居停至此等漢奸其詭計業經識破日後更  
難收拾且查上年奉

旨陸續調到征兵江甯旗兵八百名安徽官兵一千名均由巡撫

調派各路防守。江西兵二千名。內一千駐守餘姚。去冬逆夷滋擾該縣。曾經潰散。其餘一千名亦屬輓弱。是以茅等前次奏明。止令守護糧臺。湖北兵二千名。內一千名及陝西擡礮兵二千名。由茅特依順統帶。駐紮省城萬松嶺地方。其一千名交宜昌鎮總兵博勒恭武帶領。駐守海甯松江一帶地方。陝甘兵二千名。內八百名及陝西擡礮兵二百名。交漢中鎮總兵德坤帶領。駐守乍浦。統計進征官兵除埋伏內應。均係本省官紳雇募鄉勇。其河南兵一千名。四川撥出兵四百名。山西擡礮兵六百名。留為後路接應。實止四川兵一千五百餘名。陝甘兵一千二百名。並餘丁

七百餘名。交總兵段永福副將朱貴分作兩路進剿。至各路募到義勇。除駐守乍浦外。其餘進攻定海。是否得手。尚無確音。等已札飭該將弁及委員等。如一時不能得力。即可潛伏不動。免致洩漏。其前次進攻甯鎮兩城及截守梅墟等處義勇。亦止三千餘名。內傷亡及疲乏畏怯者。亦須查點挑選。查上年徵調官兵及雇募義勇。為數將近數用。兩次接仗之後。雖殺傷逆夷多人。而我兵亦頗有傷亡。其未經受傷兵勇。隨時鼓勵。俱尚振作。願赴前敵。此時若將分守各路勁兵。調集一處。以之攻剿逆夷。儘堪得加。無如該省濱海要路處處須防。刻下派撥分守禦敵兵。加已

形單弱逆。夷如分路竄擾。究竟能否堵禦。尚難定準。自未便合為一路征剿。復查前次茅等具奏。招募糧船水手。摺內曾聲明。如有應行調兵之處。再行奏明。請

旨。現在兵力實屬不敷。調遣合無仰懇

聖恩。俯賜徵調。陝甘省勁兵二千名。廣西省勁兵二千名。貴州省勁兵二千名。四川大小金川屯兵一千名。迅速來浙。以備攻剿之用。並請

旨飭下各督撫。揀派曾經出師之將。備官弁管帶。並選派熟悉擡礮鳥槍技藝兵丁。務按營將整隊調來。免致畸零。庶眾心易齊。隊伍亦可整肅。仍令於常例之外。准其多帶餘丁。仍

照常例支發口糧。到浙後。即令其充當夫役。免其由本省雇募。言語不通。良莠溷雜。李現仍差確實安人。查看曹江以東各路情形。剴切設法曉諭。庶冀人心悔罪向化。惟各路大兵調到。尚需時日。現在各海口要隘。雖節節派兵防守。逆夷是否不來攻撲。究難豫定。李惟有竭盡心力。隨時隨地。督飭將士。加意防禦。將來大兵雲集。李自當公同商酌。慎密籌畫。另圖進剿之策。務令逆夷成擒。海宇肅清。以慰

聖懷而伸

天討。李奕經於拜摺後。即前赴紹興。與文蔚面商防堵一切事宜。

殊批事已如此。添調何難。前番布置。似乎確有把握。一經動作。受虧退步。又欲俟數千里之外。續調之兵到齊。再圖進剿。無論曠日持久。必能保其成功乎。

奕經特依順。又奏。再浙江提督余步雲等。前於進兵之時。奏明札飭該提督帶領提鎮標營弁兵駐守奉化縣地。加查上虞毗連餘姚。為上江屏蔽。該提督於彼處情形。尚為熟悉。現復札令該提督除留兵防守奉化外。仍帶領本標官兵。赴上虞屯紮。以資防守。俟將來進兵時。再行擇地安插。

諭軍機大臣等。著鄂順安於河南省挑選精兵一千名。周之琦於



廣西省挑選精兵一千名候旨調撥應帶軍器著一體揀擇精良妥為豫備

又

諭奕經等奏請調官兵進剿一摺據奏尖山一帶水面太寬敵力難及惟七堡地方稍為險要已有博勒恭武帶兵防守其銀杏埠渡口緊接省垣已將河南兵酌撥屯紮與萬松嶺為犄角之勢又派壽春鎮兵前赴海甯防守現在兵力尚有不敷請旨徵調等語前已有旨飭令陝甘官兵二千名迅即赴浙會剿其各省勁兵亦已豫備候調矣此後再圖進剿立功贖罪究竟該將軍等有無把握至逆夷呈遞書函擬請暫示羈縻該將軍等作

何羈縻之處。所奏殊未明晰。其單開所獲黑白夷人。究係在彼充當何項名色。單內所稱老將頭目兵丁水手。恐非確實。尤當詳加究詰。不可稍為含混。此時著暫留省城。妥為安置。不准遽行釋放。更不准遽加殺害。應如何設法。令該逆聞知。俾內地被擄官兵。亦不致受其戕害。總在該將軍等悉心籌畫。相機辦理。其前此雇覓壯勇。現議遣散。惟此輩多係無業游民。豈能安分歸里。著奕經等擇其精壯可用者。留營調撥。其餘亦應妥為彈壓。分起遣歸。以免沿途滋擾。現在留營將士。及各路防守官兵。雖不敷進剿之用。亦何至無守禦之方。仍責成該將軍等妥為布置。激勵眾心。勉圖後效。倘再有疏虞。惟該將軍參贊是問。懍

之其段永福朱貴各路帶兵官并曾否全數回營兵丁傷亡若干遣往定海官弁兵勇等究竟作何下落摺內未據詳敘著一併查明具奏又另片奏令提督余步雲屯紮上虞以資防守亦著照議辦理

庚子

諭軍機大臣等前因糧船水手人數眾多恐有漢奸潛入降旨令牛鑑悉心籌畫旋據奏稱漢奸皆係閩廣浙江匪類漕船水手皆籍隸江蘇山東直隸並無閩廣浙江匪徒容俟會同漕臣撫臣籌議具奏等語現尚未據該督撫等會議奏到因念浙省辦理軍務不能得手皆由漢奸充斥助逆肆兇是此項匪徒為害

滋甚。不日南漕北上。難保該逆不分遣匪黨。潛入水手之中。潛伏附近天津一帶。別圖滋擾。不可不豫為防範。著朱樹謨飭各糧道。轉飭總運等官。責成領運千總。各就所管之幫。逐船按照花名清冊。自開兌以至沿途。隨時點驗。某船水手若干名。遇有冊內短少。及冊外增添之人。立即根究來歷。毋稍容隱。其交卸回空時。尤應驗明人數。隨幫帶回。並逐日點卯。毋任一名借故留住天津通州等處。以杜意外之虞。並著麟慶。朱襄。於催趲糧船之便。留心稽查。毋任匪徒潛跡。亦不准水手人等一名上岸。並知照經過地方各督撫。一體嚴查。無分畛域。再聞漕船經行處所。皆有短絳。此輩更無冊籍可稽。奸匪尤易匿跡。著該督等

密飭所屬如何設法嚴防。妥議章程具奏。務使奸匪無從託足。而漕行仍不致驚擾。方為妥善。

辛丑。山東巡撫托渾布奏。臣前以登郡海岸地勢較窄。利於短兵相接。故上兩年調兵防堵。皆挑選步騎。不用馬隊。現聞逆夷所到之處。皆驅閩粵漢奸為前隊。臣前在閩省。深知閩人矯健善騎。不畏兵刃。截敵獨畏健馬衝突。道逢馬過。人人驚避。以其所見者少。故畏馬甚於畏兵。查登郡東門外一帶山路平曠之處。尚堪埋伏馬兵數百名。故此次調防弁兵。令其酌帶健馬三百匹。伏於該處。儻漢奸敢於撲岸。則馬隊衝於前。步騎繼於後。以北兵之所長攻南

人之所短。不須戈矛奮擊。但以健馬疾驅奔逐。足使羣匪驚竄。不戰自潰。似亦目前因時制宜。必不可少之要策。

諭軍機大臣等。托渾布奏調防升兵。酌帶健馬等語。所議未見周妥。南人畏馬。固屬不易之論。惟馬隊之得加全恃馬上兵丁。持有槍箭利器。故一經衝突。賊勢遂即披靡。逆噉如果登岸。斷非徒手。其所持各種火器。紛紛轟擊。我之馬隊。手無利器。何以抵禦。若被擊退回。不但後面步兵。必遭踐踏。且馬隊在前。我之步兵。從後施放槍礮。既不能擊中逆噉。而倉卒之間。馬隊轉致誤擊。況綠營之馬隊。本不若東三省之矯健。加以馬上更無長技。又何所恃以禦敵。種種窒礙。實非攻剿善策。所有托渾布所請。

酌帶健馬之處著再行悉心另籌以操勝算而資得加

癸卯

諭內閣伊里布著賞給七品銜威齡著賞給四等侍衛均著交書英帶往浙江差遣一併馳驛

又

諭齊慎仍著作為參贊大臣攜帶關防馳驛前往浙江辦理軍務直隸總督訥爾經額奏竊臣於本月十九日欽奉

廷寄道光二十二年二月十八日奉

上諭天津海口緊要該逆詭詐多端斷不敢於現有礮臺重兵防守處所蜂擁而進儻遣人改裝易服於遼闊無人之境陸續上

岸暗伏各處。迨聚至多人。然後繞至礮臺後面。突出逞兇。我兵  
瞥見後路有賊。勢必羣相驚疑。不戰自潰。是我兵所不及防之  
處。皆該逆所必乘之隙。既不能處處添駐重兵。尤不可因水淺  
泥深。遽信該逆不能登岸。著穆彰阿等妥商定議。設法嚴防。處處留心  
妥密籌商。務使無隙可乘。方為盡善。至天津府城。乃五方雜處  
之區。尤關緊要。並著穆彰阿等妥商定議。設法嚴防。處處留心  
密為偵察。俾地方不致騷擾。而奸徒亦無從託迹。方為周妥。至  
現在江蘇安徽山東河南各省壯勇。有經浙江遣散者。難保不  
闖入直隸境內。尤恐漢奸假托壯勇名色。潛來窺伺。著訥爾經  
額分飭所屬。於該省交界地方。嚴密稽查。毋任此輩匪徒滲入。



滋事是為至要等因。欽此。通。

欽差大學士臣穆彰阿。即於是日馳抵天津府城。接晤之時。面述  
諭旨。仰見。

宵旰勤勞。籌畫精詳。祇領一切。欽佩難名。竊思逆夷詭譎萬狀。凡  
閩浙等省。遭其蹂躪之處。全以漢奸為爪牙。必應嚴密防  
範。使之無隙可乘。然後漢奸不能溷跡。或戰或守。皆不致  
墮其術中。查大沽北塘。現有礮臺處所。重兵防守。稽查尚  
易。其遼闊無人之境。誠如。

聖諭。不可不豫為之防。臣前因大沽以南。至山東交界之狼坨子  
山。計程二百餘里。沿海各鋪除祁口河狼坨子口岸較大。

設有多兵外。餘俱安置馬撥。酌設弁兵。晝夜傳籤備警。並派文員編查漁戶姓名。稽其出入。不令外來一人涸跡。其大沽以北。至山海關一帶。亦均照此辦理。至大沽北塘兩處礮臺。俱係一面臨河。原無可以繞至後面之路。而村落基布人煙稠密。亦經酌派妥員分段輪查。其出海大小船隻一體編列字號。所有舵工水手俱取具實係良民保結備查。總不使該逆得以稍施鬼蜮。此辦理各海口之實在情形也。若天津府城五方雜處。奸匪尤易溷入。現於城之內外密派正佐各員。籤分街道專司偵察。無論居民鋪戶店寓寺觀一體編入保甲。並於各街延訪紳耆一二人作

為董事協同稽查。其自府城以至大沽沿河兩岸村莊亦均照此辦理。以防該逆分遣漢奸匪黨潛蹤內應。斷不致僅就形跡可疑之人查拏了事。此辦理天津府城之實在情形也。又江蘇安徽山東河南各省壯勇現經浙江遣散者恐其闖入直隸境內一節。臣於天津等處各募義勇。皆先飭地方有司專用土著人民。原以土著者各有身家。非比外省之人不知底裏。一經誤用必貽後患。今奉

諭旨當即分飭所屬州縣嚴密稽查勿任一名闖入。現在天津地面雖大兵雲集尚屬安堵如常。臣與臣穆彰阿悉心籌議惟有嚴益加嚴密益加密不動聲色務使奸匪無可容足。

以期仰慰

宸廑抑且伏讀

聖諭既不能添駐重兵尤不可因水淺泥深遽信該逆不能登岸  
益見

宸謨周密易勝欽服。臣思該逆如果駛進攔江沙內見南岸礮臺較多必併力施礮攻擊令我兵專力支拒而於迤南荒灘登岸以圖抄襲。因與鎮將密籌先避其礮不令我兵受傷則膽自壯。以一礮五兵一礮臺七礮計之。每礮三班合計各臺上管礮弁兵均不過一百餘人縱橫堆積土壘以為遮護其餘兵丁二千餘名俱在臺前土壩之內並臺後分

布藏伏以備衝突。又於迤南道溝子地加安設伏兵以杜其抄襲之路。其北岸礮臺較少。該逆必分漢奸登岸。以為牽制之計。臣於礮臺上下。亦如南岸布置。礮臺後身另備奮勇一隊。以備格殺。此兩岸臨河處所安置情形也。至南岸礮臺迤西八里餘之西沽。距海口約十四五里。設兵五百名。又迤西十餘里之新城。距海口約二十餘里。亦設兵五百名。陸路則以礮車載礮。與擡礮。鳥槍兼施。河岸則有牛蹄礮。竹將軍等器。以為埋伏層層接應。又迤西十里餘之葛沽。設兵二十名。距大沽海口約三十餘里。距狼坨子祁口河等處海口約一百數十里至二百里不等。近者以

為接應。遠者以防抄襲。其沿海一帶及各營盤要路。均按五六里水草便宜之處。各安馬撥。以通信息。仍派步兵逐段上下傳籤巡警。設有一賊登岸。各路立時可以得信。再自葛沽至天津府城。中間有鹹水沽。陳譚莊。賀家口等處。河身逐漸窄小。皆於兩岸設伏。以備不虞。其府城惟東門一面近河。亦於城上安設礮位。每一女牆安礮一位。又以木架共計二百餘位。加以舊兵七百餘名。新兵一千名。義勇一千名。足資戰守。此自礮臺以後至府城聯絡接應之情形也。北岸礮臺之後。迤西八里有唐兒莊。迤北十里有新河莊。又迤北十里有十二里鋪。距北塘約十餘里。以上

數處實為大沽北岸與北塘之後路設伏安兵亦照南岸一體辦理是則伏兵之外更有伏兵伏者非止一處援兵之後又有援兵援者亦非一層聲勢相聯首尾互應自足以壯兵威而懾夷魄惟臣上年於各海口防兵內奏撤三分之一當已陸續歸伍現值海防喫緊之際兵力自當加厚查所募新兵為日無多紀律技藝尚未精熟驟然用之臨敵恐難得力擬令充當雜項差使應請

旨將前撤之兵仍如數調赴防所以資堵禦其大沽北塘兩處皆係要隘而自大沽北岸礮臺至北塘地約三十里稍覺空曠且中隔海河一道臨時濟渡接應亦恐延誤前臣

陛見時密奉

諭旨設有夷船北來信息令提臣周悅勝來津一同防堵業已密函傳知並酌擬在防兵內備兵二千名屆時交其管帶惟文移往返該提臣自古北口到防統計約須半月之久誠恐緩不濟急應請

飭令該提臣即速來津帶兵以期應手至昨十六日接奉

諭旨著訥爾經額移駐葛沽胡超移駐大沽等因欽此查大沽葛沽均在海河南岸將來提臣周悅勝到津應否駐紮北岸抑在南岸之處候

旨遵行



諭內閣周悅勝著酌帶弁兵前往天津辦理防堵事務直隸提督著長春署理周悅勝俟長春到任後迅即來京請訓

諭軍機大臣等。訥爾經額奏遵旨覆籌天津海口府城等處防堵稽查情形一摺。所議甚屬周妥。已降旨飭令提督周悅勝赴天津協同防堵。兵逆夷如果北駛。攔江沙內礮臺分布。其迤南道溝子地方亦安設伏兵。杜其抄襲之路。所有南北兩岸守護礮臺將弁。必應遴選健壯可恃者。勤加訓練。臨時方可得力。並派員嚴密稽查。勿令漢奸濶入。至天津為五方雜處。最易藏奸。該督現於城之內外。密派各員。籤分街道專司偵察。無論居民鋪戶店寓寺觀一體編列保甲。並令紳耆協同稽查。所辦固屬周

密。但自天津府城至大沽沿河兩岸村莊人煙稠密。軍民良莠不齊。務當設法時時訪查。不可令匪徒潛蹤影射。其所派委各員。仍應暗加偵察。勿令虛應故事。日久生懈。是為至要。上年所撤海口防兵。著准其如數仍調赴防。所以資堵禦。所有該處南岸礮臺。著派妥協弁兵。嚴行守護。陳金綬作為守護礮臺之接應。周悅勝到時。駐紮南岸。作為陳金綬之接應。胡超著移駐北岸。石生玉在北塘一帶防護。胡超作為石生玉之接應。其各路接應將弁兵丁。應駐紮地方。及大沽北岸礮臺。應歸何處照應管轄。始能得力之處。著訥爾經額、周悅勝、胡超會議具奏。訥爾經額統轄將弁兼理糧餉。著即駐紮天津府城。隨時調度一切。

聯絡聲援。惟當激勵眾心。養鋒蓄銳。以資捍衛。而備干城。

丙午。

諭內閣。前因奇明保年逾七十。精力就衰。降旨命耆英馳往浙江。署理杭州將軍。因念省城為根本重地。防堵尤關緊要。將軍參贊分駐各處要隘。祇有特依順一人帶兵在省。恐不足以資控制。耆英著頒給欽差大臣關防。馳驛前赴浙江省城。會同特依順嚴密防守。如兵力尚單。應調本省及各省官兵。即著斟酌情形。一面飛檄調取。一面由驛具奏。儘有疏虞。惟耆英特依順是問。劉韻珂身任巡撫。守土是其專責。一切防堵事宜。亦著會同籌辦。至浙江沿海各處口岸。仍責成奕經文蔚齊慎擇要防守。

相機攻剿該將軍大臣。惟當同心協力以期戰勝守堅。毋負委任勉之望之。

丁未。湖廣道監察御史呂賢基奏竊。惟民為邦本。民心鞏固。則眾志成城。外寇斷不足患。比年以來。地方官不能上體

聖意。每於近海之區。藉防堵以派費。於徵兵之境。借征調以索賄。以及道路所經。輒以護送兵差。供給夫馬為名。科歛無度。近聞湖北湖南安徽等處。皆有加派勒捐之弊。又聞浙江直隸山東亦然。應請

旨敕下各省督撫。申嚴禁止。

諭內閣。朕維攘外必先安內。禁暴即以愛民。近日逆熒犯順。不得已而用兵。每逢徵調。必諄諭各省督撫。嚴飭管帶員弁。毋任沿途滋擾。並因浙江命將出師。明諭該將軍等。分飭所屬。謹守紀律。秋毫無犯。違者即以軍法從事。諒該將軍督撫等。必能仰體朕心。不至重貽民困矣。本日據御史呂賢基奏。近海之區。藉防堵。以派費。徵兵之境。借調。發以索賄。並各經過地方。以護送供給。為名。科斂無度。湖北湖南安徽等處。皆有加派勒捐之事。浙江直隸山東亦然。請旨飭禁等語。地方遇有軍行。偶爾借資民力。加各省士民。自必志切同仇。羣思報效。朕屢經降旨。將捐輸踴躍者。破格施恩。所以嘉其急公慕義之忱也。儻地方官奉行不

善或至加派勒捐是陽借辦公之名陰圖肥己之橐甚或縱令吏胥藉端需索致國家衛民之舉先滋病民之弊亦不可不防其漸著各督撫諄飭所屬遇有捐輸各項務當覈實辦理俾士民咸知所輸之款一一皆歸實用官吏毫無染指庶使感奮之氣上下相孚並著該督撫等隨時密查如有前項情弊立即據實奏報毋稍姑息用副朕愛惜民力戢暴安良至意將此通諭知之

戊申揚威將軍奕經參贊大臣文蔚奏竊等等於二月十九日承准軍機大臣字寄道光二十二年二月十二日奉上諭奕經等奏剿襲甯鎮兩城未能即時克復一摺此次官兵既

進復退或因樓高路窄兵械未能施展或因所備火船未及臨期接應尚屬有因嗣後必須一鼓作氣奮勇直前毋許稍萌退志仍蹈從前覆轍是在該將軍等嚴申紀律密運輜餉以副委任等因欽此同日又承准軍機大臣字寄道光二十二年二月

十三日奉

上諭本日奕經等奏長溪嶺慈谿山營盤被焚一摺覽奏不止失望憤恨之懷難以言諭該將軍等身膺重寄仍當激勵將士另行設法慎密布置可戰則戰當守則守斷不可以偶爾失挫少形畏蕙以致兵氣不振所關甚鉅至乍浦地方甚關緊要尖山一帶逼近省垣務須嚴密備防不可稍有疏失等因欽此等

跪誦之餘感愧無地竊惟李等昏昧無能咎無可逭乃蒙格外

天恩不遽加罪謫併暫令戴罪立功以觀後效仍行

賞調陝甘兵二千名並

特調久歷戎行大員赴浙會剿李等具有天良敢不勉竭駑駘慎密布置以期掃蕩逆氛仰酬

高厚李奕經於本月十四日暫赴紹興與李文蔚先行商酌調派各路防守事宜即一面訓練士卒密圖後舉因查逆夷既純以火器衝鋒而道途狹隘又不能大隊齊驅現已酌派將備教練官兵併令擡礮烏槍於狹隘處所進退靈便並



添造鳥槍擡礮藤牌及一切禦火之具。現查兩次接仗之後。雖官兵間有傷亡。而士氣照常振作。卒等戴罪圖功。惟有通盤籌畫。確實查探夷情。相度地勢。何處可戰。何處可守。並激勵官兵。設法布置。一切斷不敢以偶爾失挫。少形畏葸。益滋咎戾。至省城為根本重地。乍浦尖山一帶。尤為緊要。前由乍浦差往岱山埋伏壯勇。因與逆夷接仗。後該處難於存身。陸續撤回。已飭該鎮道分別挑選於偏僻處所屯紮。豫備將來接應。其鹽大使鄭鼎臣所帶勇壯。仍在舟山一帶。並札乍浦各委員。轉飭妥為隱伏。如不得手。毋許輕動。以為後路牽制。卒特依順現駐萬松嶺與附近省

垣之銀杏準七堡一帶地方聲勢聯絡於乍浦尖山亦可  
還為犄角之勢。李奕經查省城與紹郡過江百里之遠儘  
可隨時往來其間以便與特依順文蔚互相商酌戰守事  
宜仍欽遵

諭旨嚴飭駐守官兵加意防禦毋任稍有疏虞

奕經文蔚又奏嘆逆滋擾海疆若無漢奸為之導引該逆  
斷不敢深入內地占據城池肆行無忌在漢奸不過借逆  
夷兇鋒逞其貪私逆夷即以彼為爪牙耳即揆括財賄窺  
探軍情表裏為奸勢同狼狽李等自上年到蘇後即漸次  
探悉前情特以漢奸亦係

天朝赤子。或因微利起見。致為蠱惑。如果剴切曉諭。豈終身自外生成。甘與禽獸為伍。是以設法解散。欽奉

諭旨。張貼膠黃之外。復刊刻告示。並手諭各件。處處招貼給散。俾

知利害所在。似不難化奸為良。不意此等奸民。狼子野心。

李秉忠等

不惟毫無悔罪之誠。且復助逆反噬。若不翦其著名黨羽。

將來滋蔓愈繁。更恐難於收拾。據石浦同知舒恭受等差

去。伏勇先後拏獲漢奸十餘人。除供詞未確之葉雙太等

李秉忠等

八人。札飭研取確供外。內陳秉均。劉幅檜。虞得倡三人。尤

李秉忠等

為著名漢奸。素為逆夷任用。陳秉均即陳在鎬之胞兄。前

李秉忠等

在定海。即與陳在鎬。劉幅檜。指引逆夷。攻打鎮海。到甯波。

後又復代該逆等。多方刺探軍情。逼索富戶銀錢。借勢橫行情殊可恨。虞得倡。即應得倡。又名王幘保。甯波人。本係賣倡為生。於去年九月間充當紅毛鄉勇巡捕頭。即巡查事件。復代逆雇募鄉勇多人。幫同辦事。最為逆夷心腹。挖查城鄉附近。埋伏兵勇。乘機擾害良民。極為險惡。又方錫洪。即王一成。蕭山縣人。因不安本分。為伊父驅逐出外。因貪夷人財賄。即行自投教夷人書寫漢字。並代逆夷探聽大兵動靜。借端逼索各店面銀錢。又顧保林。慈谿人。充當紅毛鄉勇。代漢奸宋凌川給逆夷送信。復膽敢潛至長溪嶺大營。乘夜入內窺伺。情殊叵測。查此輩既為逆夷重用。

自必確知該逆底細。當即親提嚴訊。所供雖大畧相符。至研訊近日逆夷實在情形。均供夷船或泊定海。或泊甯鎮。往來無定。詐稱來自本國。來自閩廣。以惑眾心。其夷兵亦隨時增減。往往藏匿船中。乘夜來去。並無確數。陳秉均等雖與逆夷至密。從不令其身入大船。有時各夷船商議機密事件。忽笑忽怒。該漢奸等在其身傍。亦不能解其何意。至夷人姓名互異。尤為蹤跡詭秘。或一人而有數名。或數人而共一名。即如郭士立。又名甲士立。或又稱為郭老也。是否係廣東人。抑係紅毛人。亦不能知其的確。其時常出入收理民間詞訟者。亦稱郭士立。又逆夷接仗。凡係傷亡。

之人均即拖走。惟恐被人查看。且聞慈谿接仗時。除受傷之人。趕緊醫治。其死夷屍身。共載五船。運往定海掩埋。確數若干。均未能指實。等間初四日。慈谿接仗。有一夷目。被擡礮擊傷。即被夷兵拖去。隨後夷目接其小旗。照舊指揮前進。嗣後稟報受傷夷目。已伏冥誅。即係巴逆。而逆夷呈遞書內。又有巴逆姓名。後復據報甯波城內夷人。盡皆掛孝。稱係夷目打仗受傷身死。送殯時。甚至所過城市。以洋布貼地行起。查看情形。其人又似較巴逆尤為緊要。再如歷次擊到白夷。即聞內有逆夷頭目。而隔別印證。亦無確供。究之是否屬實。竟難定準。似此狡詐。殊堪憤恨。至該

漢奸等既為夷人驅使又復招集醜類分道探聽消息杭州紹興一帶尚不甚多曹江以東黨類充斥節節窺伺每日在逆處呈報或一二十起或數十起該逆不論虛實莫不犒給銀錢以故此輩樂為彼用該逆等復徧貼偽示勸令開張店面並摻括富戶押人勒贖其附近城邑貧窮小戶復禁止黑夷騷擾以期與彼相安凡逆夷此等行為大半係該漢奸等幫助唆使冀得肥家逞欲實屬罪無可逭又陸心蘭於上年九月間即在甯波為唆逆辦事逼索富戶派出銀錢嗣聞大兵將欲進剿伊復具稟石浦同知舒恭受情願自拔來歸立功自贖乃該犯忽於二十六日並

未立有功績先行偕子來營投到已屬可疑當即派人看  
押訊問續獲漢奸多稱陸心蘭先期逃出特恐夷人臨期  
見害又可在大營討好起見現訊陸心蘭父子尚無確供  
應與供詞未確之葉雙太等八犯一俟審訊確實再行具  
奏分別嚴辦其陳秉均劉幅檉虞得倡方錫湛顧保林五  
犯現已訊有確供黨奸助逆罪不容誅自應即行正法梟  
首示眾其陳在鎬一犯代該逆畫計獻策首先指示攻打  
鎮海該犯前寄監江蘇邳州亦應請  
旨飭下該撫一律梟示以警奸邪而昭法度

諭內閣奕經等奏查明接仗情形並拏獲漢奸訊取供詞一摺逆



夷竊據三城肆行滋擾又復勾結奸匪窺探軍情實堪髮指茲據奏逆首嘯嘯噓於上年八月定海打仗時被葛雲飛用礮擊斃現在夷船嘯姓係屬假冒並慈谿接仗時礮斃逆夷頭目甯波城內夷人盡為挂孝據報即係逆夷巴姓又逆夷安突德臂受一槍並有大夷目受傷甚重死夷屍身共五船運往定海埋掩又最要漢奸陳秉均等五犯現已拏獲訊明正法其餘所獲夷目漢奸人數甚多等語現在著名緊要逆夷或臨陣受誅或被傷垂斃其助逆肆惡之漢奸亦經先後擒獲是逆夷以漢奸為爪牙漢奸即以逆夷為利藪表裏為奸殊堪痛恨該將軍等既經剴切曉諭於前茲復查拏懲辦於後想軍民人等自當曉

然於順逆利害之故。志切同仇。益加感奮。著奕經等激勵將士。相機進剿。其未獲奸匪。仍當嚴密查拏。毋稍疏懈。務期迅復郡縣。盡掃逆氛。以伸天討。而警奸邪。

諭軍機大臣等。前據牛鑑等奏。遵旨將遞送夷書之鎮海縣童生陳在鎬解赴邳州監禁。現在浙江軍營有應行提訊之事。著該督等。遴派員弁。嚴密押解。交奕經等審辦。毋稍疏虞。

又

諭本日據奕經等馳奏。戴罪圖功。並訊取漢奸供詞。各一摺。覽奏俱悉。漢奸助逆肆惡。殊堪髮指。若不窮其著名黨羽。何以激勵眾心。現獲之陳秉均等五犯。既已訊供正法。其前獲之陳在鎬。

一犯已諭知牛鑑等解赴軍營著與供詞未確之葉雙太等八犯一併嚴切訊究務得確情由驛具奏所獲漢奸內除現無確供及應留備質各犯外餘著於審明後即在軍營正法梟示以昭炯戒至夷船或泊定海或泊甯鎮往來既無一定姓名又復互異據稱噍噍已於上年定海打仗時被葛雲飛用礮擊斃現在甯波尚有安突德嗎哩遵郭士亦諸逆而助逆之漢奸曹江以東仍復充斥必應相機進剿一鼓殲除現經該將軍酌派將弁教練官兵並將岱山撤回勇壯屯紮偏僻處所豫備將來接應其舟山一帶仍令勇壯埋伏以為後路牽制著奕經即與特依順文蔚隨時商酌將戰守事宜妥為布置現在甯波鎮海

定海三處究有夷船若干隻夷匪若干人前此單開所獲白夷  
是否內有要緊頭目其管糧餉二等頭目是否即在此內均應  
向現獲各犯確切訊明至逆夷挂孝送殯之已死夷即究係何  
人安突德曾經受傷是否屬實慈谿破斃之夷即是否即係巴  
逆與該夷書所稱巴姓是否即係一人其所稱近來白黑夷人  
往往失去又或有身無首究係在何處被何人所殺均須逐一  
追究明確據實具奏

已酉

諭軍機大臣等此次揚威將軍等於正月二十九日進兵攻剿甯  
波城內逆夷旋於二月初間在慈谿接仗我兵未能得手頗有

傷亡聞逆夷被我兵擊斃者亦復不少此內有著名頭目受傷身死聞係已逆。郡城內逆夷盡皆挂孝。甚至所過城市以洋布貼地行走。據此情形似又較已逆尤為緊要。又有擊斃逆夷屍身共載大小五船。運往定海掩埋。著劉韻珂於往來定海之人詳細詢問。或密遣人前往訪查。所有兩次接仗究竟擊斃夷人若干名。有無著名頭目在內。其運往定海屍身果否有五船之多。務得實在情形。遇便具奏。

三月壬子。靖逆將軍奕山。兩廣總督祁項。廣東巡撫梁寶常。奏竊等。於道光二十二年正月二十八日。承准軍機大臣字寄奉

上諭奕山等。自派委辦夷務以來。已及年餘。何於此事。竟全無把握。自古用兵之道。無論或戰或守。皆必確有把握。乃能迅速奏功。若如奕山所奏。既稱香港不能不取。何以又云必須能守。而後能戰。祁墳稱為嚴防省城。大局似可無虞。又云香港無陸路可通。不敢謂遽能得手。似此游移無定。徒以坐擁重兵。每月糜費軍需三十餘萬。毫無裨益。何所底止。茲特行申諭奕山。祁墳。梁寶常。會同妥議。從長籌畫。若再徒託空言。支吾搪塞。自問當得何罪等因。欽此。等跪讀之下。仰見我

皇上訓誨周詳。諄諄告戒。無非欲等深思遠慮。安輯海疆。又天恩高厚。不為遲鈍。俾等揆機度勢。謀出萬全。等稍有天良。

敢不殫竭愚誠。籌定大局。以慰

聖鑒。等當會集粵東文武大員。連日面商。謹將現在戰守規模。敬為我

皇上陳之。伏查粵東自入

國朝以來。通商設稅。外夷從未有犯順之事。逐年日久。所有  
礮臺船隻。漸不講求。僅以備內海之盜。壯觀瞻而已。嗟夷  
突然滋擾。非我兵弁畏蕙也。實無抵禦之具。因而致令猖  
獗。叩虎門失守。直入內河。省城受困。礮臺盡為瓦礫。礮船  
為其殘毀。二百年來之設險。蕩然無存。所以等自去年  
逆夷退出之後。奏明先固根本。水陸設防。以為不可搖奪。

之計而造船鑄礮再為進剿之謀。廣州城外舊有軍功礮  
歲修米艇無造大兵船之木。去歲四月之戰礮廠在河南。又  
為逆夷焚燒不得已。秋間派委員赴欽州一帶採買。據稟  
洋面不靖。安南木商不肯出海。祇好一面各處招商再擬  
附近搭求堅實料物。做照外夷夾板作法。令紳士雇覓巧  
匠作大小兵船三四隻。以為式樣。自去秋動工。至今年正  
月始竣。放入內河架礮試演。甚屬可用。若得三四十號。便  
可與逆夷出洋轟擊。鑄造銅鐵大礮。在佛山設立三礮。銘  
鑄機軸。必須傾瀉數次。始能去盡粗砂。礮模一用不能再  
用。而廣東十日九雨。潮氣太盛。礮模稍不乾透。經鐵汁噴



注熱氣鼓盪礮身必起蜂窩不能打放自開鑄以來晝夜督催委員三易除不堪安放退還之外其可用者五百五十餘尊統計紳士報效及自購夷礮大小九百餘尊僅可敷內河各礮臺礮牆船排之用尚有未安放齊全者船礮兩項皆攻戰第一要件而倉猝難就棘手如此茅等日夜焦愁無可如何目前戰守把握論全局先戰而後守論時勢先守而後戰茅等經營九月處處求可守實處處求可戰非徒守必能戰始有以拒之所以內河之通海者必水陸聯絡防其衝突或設臺於要口列牆以為犄角或駐勇於近岸撥兵以為聲援逆夷屢經窺伺自除夕至上元三

板各處遊奕。見兵勇林立。礮聲連接。斂迹而退。此其明驗。惟搗巢之計。李等寢食不忘。原擬挑選兵勇。駕馭漢奸。剋期舉事。而逆夷深恐掩襲。年前兵頭嘯嘯。自浙駛回香港。添船自固。又用詭計。將他國貨船。邀往同泊。懼用火攻。一概房寮。撤去葵芭竹片。僅留瓦覆。意在乘風不能盡燃。又揚言官兵若來攻剿。必定害及同類。為我多樹仇隙。藉以助彼羽翼。其心可為狡險。是我即得手。未必全復。即令全復。而各國環聚。亦不能守得而旋失。徒長寇心。多殘民命。非我之利也。所以李等密飭。毋得妄動。致債事機。況紳商軍民。紛紛傳布。大半云廣東去年蒙

皇上深恩保全沿海不受兵燹之苦無不感戴今大憲若欲進剿能發不能收徒累百姓且富室一逃人心惶懼不但所輸之餉無處追繳而捐納各生聞風驚竄軍需不繼反成內闕外侮不除內患又作害不可言由此觀之事無把握夫。人而知之。孳孳不敢強顏以為可勝也。至於議守省城可保無虞西南自登洲潭洲東北自九龍鹿步皆星羅棋布密為豫備又聯絡各村團勇守望相助儻逆夷闖入必受大創惟虎門十處礮臺用土誠難經久粵中春夏雨多尤難成立而用石興造匠役懼逆夷進阻俱不敢承辦經孳等與水師提臣吳建勲熟商據云原築礮臺出水太高水

道變遷。礮門亦不當緊要。各臺既無後路。又不能相救。易於失事。必須先塞橫檔。西路海道鞏固。移礮臺於進南之浮洲。使逆船不能繞出橫檔之後。必由東路而進。然後三遠礮臺及橫檔大虎小虎各臺始能抵禦。無兵船護修。必不能堅固如式。若聽信招回漢奸海盜包修。定先支帑餉。逆夷駛船阻撓。彼先星散。藉口遺失料物。帑餉盡歸虛無。更屬不值。卒等思無船既不能修。而無船更難望守。不如趕造戰船。然後動工。雖遲時。可以萬全。然不戰而守。為日甚長。誠如

聖諭。糜費軍需。何所底止。卒等再四思維。惟有酌裁兵勇。悉留精

銳內河雖港汊紛岐而水面較之獅子洋形勢稍窄水陸  
可以夾擊礮臺礮牆既可遏其來路火船水勇可以絕其  
歸途客兵四千八百餘名除廣西一千八百名服習水土  
而貴州四川江西湖北之兵多半疾病師老氣衰難期奮  
勵與其坐食行糧不如分別裁撤另挑撥廣東本省之兵  
協同義勇防守不但語言相通性情相近而習見夷人膽  
力轉覺可用且本省防堵口糧亦輕如此一轉移間可以  
節省如蒙

俞允再酌量變通以歸畫一除此實無萬全之計然兵貴乘機亦  
不敢膠執等語惟有督飭地方文武嚴加防範務使逆夷

他省受創而回必不能長驅直入而隙有可乘再當搗虛  
攻瑕以期集事

奕山等又奏查佛喃哂與暎夷毗連疆界各為一國素稱  
強悍前因爭擾地方構有嫌隙彼此交兵多年後經議和  
該國亦與廣東向來交易上年十二月間據稱該國新到  
兵船一隻兵頭噴哂噴吐噠喇管駕來粵泊在香港對面  
尖沙嘴地方並云後尚有兵船未到等語正在密飭查訪  
聞旋據報稱佛喃哂兵頭吐噠喇乘坐小三板來省入館  
當經密飭洋商等暗為訪詢據云來省意欲面見官府有  
稟商事件不肯明言帶有素曉中華言語之和尚吐噠喇

哩叮二人同來稟稱該國兵頭有密商軍務不用通事傳  
話懇請當面稟陳等情。等以該國向通貿易素稱恭順  
乃喚夷興兵犯順擾及海疆阻撓各國生意未始不怨恨  
喚夷今既據稟請當面密陳軍務正可因勢利導駕馭羈  
縻為以夷攻夷之計當即於岑奕山等會查河連舟至距  
城十里之半塘地方傳令來見詢其來意據稱該國感沐  
天朝厚恩該國王因聞喚夷與中華構兵恐該國商船被其擾  
累是以遣伊前來保護並諭令到此從中善為解散。等  
諭以爾國向稱恭順

大皇帝亦素所深知喚逆如此頑梗不化肆行強暴將來爾等各

國必受其害爾國王既遣爾帶兵船前來果能出力報效  
本將軍等必當據實奏明

大皇帝格外優待恩施據稱我們與暎夷雖屬敵國但現在新和  
無隙可乘不能妄動若無故攻彼恐別國忿恨不如息事  
罷兵早了此局方妥當詢以爾有何息事之法據稱伊願  
與暎夷講說伊若允從則已如不允從即向其藉詞交兵  
等語等諭以暎逆屢次犯順現在侵犯甯波定海等處致  
干

聖怒簡派揚威將軍各路參贊帶領各省官兵前往勦辦此時本  
將軍等如何敢擅准令伊講說據稱大人們既不敢奏我



先出外洋與暎夷兵頭講說如有何信息再來回報當即酌加賞賚該兵頭及和尚旋即辭出外洋又據汛弁探報逆夷兵頭嘯嘯噶於上年十二月間由浙潛回香港又探得嘯嘯噶兵頭到香港與逆夷兵頭見面二次旋據香山駐惠縣丞張裕稟稱嘯嘯噶和尚吐噠等面稟該兵頭現有要事於正月十六日開船前往呂宋去看兵船留話給嘯嘯噶進省稟覆二月初五日嘯嘯噶到行呈遞說帖仍以解和為詞希冀賞給暎逆馬頭卒等察其行事似暎逆新興連和嘯夷思於中取利又思分地故為之居間夷情詭譎多端該兵頭雖陽為恭順焉知不藉探內地虛實另

生事端雖現在該夷同味喇哩各國夷商進省行照常貿易而無故求和不能不疑遂以好言拒絕並導以不可助逆玉石俱焚若能為中國出加

大皇帝必加恩於爾國等語除密飭水陸兵勇嚴其防範觀其動靜外所有喇嘛晒兵頭來省情形不敢壅於

上聞據實附陳

祁墳等又奏竊臣等於本年正月二十八日承准軍機大臣字寄道光二十二年正月十四日奉

上諭據祁墳等奏覈計存貯及報捐銀數僅敷數月之用等語該省現存銀兩究可敷幾月用度現在辦理夷務尚無藏事之期

曠日持久。虛糜糧餉。伊於胡底。著該督等通盤籌畫。從長計議。據實具奏等因。欽此。遵即通盤將出入各款逐一籌計。查自辦理夷務於上年正月二十三日設立軍需總局以來。先後就近在藩關運三庫籌備銀八十二萬四千兩。又於藩庫提解佛山分局備用十五萬兩。又奉撥解部庫及各省餉銀三百萬兩。此項餉銀續經改撥江蘇安徽兩省共五十萬兩。嗣後奉部議准於本省海關稅餉內提銀五十萬兩。藩庫封貯項內提銀五萬兩。抵還改撥之數。上年十一月內。又據鹽洋二商報捐分限完繳共銀一百二十萬兩。統計應作軍需動用共銀五百一十七萬四千兩。此備支

軍需銀兩之數目也。臣祁項上年三月二十三日。到任後。於四月二十四日。會同前撫臣怡良。初次專摺奏明。自正月二十三。日以後。至四月中旬。計用過銀一百七萬四千兩。又於十一月內。會同臣梁寶常。第二次奏明。截至十月十五日止。用過銀一百六十七萬一千兩。連前共用過二百七十四萬五千兩。自上年十月十五。日截數奏報後。計至本年二月初八日止。又經用去銀一百十五萬七千八百七十九兩。連前兩次。共用過銀三百九十萬零二千八百七十九兩。此陸續支用軍需銀兩之數目也。以用過銀數合之。備支銀數。連鹽洋二商捐輸。立限尚未完繳之數。

計應存銀一百二十七萬一千二百餘兩除鹽洋二商未到限之八十萬兩尚未呈繳外現計實存銀四十七萬兩零此現存軍需銀兩之數目也其餘各紳民陸續所捐銀數現計三十餘萬兩多係鑄廠築臺置械造船之用並非全繳現銀為數有限難以列入容俟事竣分別造冊報銷此後續行捐輸及援照豫工事餉就近在粵省藩庫上兌報捐果否踴躍可得銀數若干亦難懸擬至每月軍需之用有一定者有並無一定者查留防外省官兵四千八百四十餘員名月需鹽糧等項銀一萬六千六百餘兩本省內河及省外各要口留防兵弁差遣武職共二千六百七

十餘員名月需薪糧銀四千六百七十餘兩又雇募防堵  
要隘水陸各勇前經奏明共有三萬餘名現將不甚得力  
及不遵約束者陸續裁撤實存二萬六千餘名月需口糧  
船租銀一十一萬八千餘兩以上三款共需銀一十三萬  
九千二百餘兩均係按月支發之項又查應行鑄造銅鐵  
各礮計已鑄就五百五十餘位連購買夷礮及紳民捐鑄  
併撈獲三百餘位足敷內河之用虎門各礮臺約計尚須  
添鑄八百餘位此係軍火重器必期得力經久不能不從  
優酌給價值飭令委員督率承辦工匠加工加料務收實  
用又自上年二月內被逆夷焚燒兵船及燬壞沉失各軍

械應行歸入軍需案內補造又應行添造器械分別發交營員及各紳士承辦需銀亦復不少以上各項均係隨時覈明發給或多或少不能分月計算再查近省一帶填塞河道及應修復添建各礮臺土牆均已一律完竣惟虎門礮臺現須趕購石料以備興築此項經費尤屬浩繁而欲為一勞永逸之計實屬必不可緩之需臣等前後比較覈算自上年正月設立軍需總局至今每月最少用銀一十七萬餘兩其多者輒用至三四十萬現在內地填河築臺事竣費用較前稍減如無意外之用每月約需銀二十餘萬兩現照應存銀數一百二十七萬一千二百餘兩覈計

至六月尚可敷用。臣等惟有欽遵。

諭旨。極力再加撙節。斷不敢任聽局員稍涉浮冒。致干罪戾。臣等復思。現在夷務尚未大定。然欲作經久之計。亦應為先事之謀。揆逆肆行猖獗。所恃者船堅礮利。內河水淺浪平。若夷船闖入。儘可用以小勝大之法。臨時多雇民間漁料各船應用。即須另行添造快船小船。亦不難剋日告成。且經費亦屬有限。至由獅子洋而外。達虎門及沙角大角等處海面寬闊。風浪掀簸。非大船不能得加。向來巡洋各項師船。平日止可巡緝盜匪。不能安放重礮。駕出海洋。與夷船對敵。是防禦逆夷。必須另造大號戰船。以冀制勝。上年夏



秋間在籍刑部郎中潘仕成稟商捐造戰船一隻現已造竣計長十一丈有餘木料甚屬堅厚經靖逆將軍會同臣等及水師提臣吳建勳親往白鵝潭查驗駕駛極為靈便合用現又購就木料三分飭令廣州府易長華會同潘仕成起造三隻如能照此製造戰船三四十號隨時演練無事則分泊各海口以資巡緝有事則調至虎門內外可資捍禦夷人情性詭詐惟利是圖從此開布信義示以聲威庶稍知畏服夷氛可以靖息但此等堅實船料皆自海外運來覈實估計每船一隻需用工料銀兩將近二萬購料既堅籌款無出容臣等會同藩司熟思再議再為具奏

諭軍機大臣等奕山等奏籌戰守情形並祁墳等奏軍需數目應  
辦事宜各一摺據奏逆夷嘯嘯自浙駛回香港添船自歸並  
邀他國貨船同泊議戰實無把握惟議守省城可保無虞各處  
星羅棋布密為豫備逆夷闖入必受大創等語覽奏俱悉著即  
責成奕山等嚴密防範慎固封守儻有疏虞惟奕山等是問惟  
現在既不議戰所派添造兵船曠日糜費又係徒託空言殊屬  
無謂至虎門十處礮臺據稱無船不能護修若必待船隻造成  
始行動工為日甚長何時方可蒞事其酌裁兵勇一節准其將  
廣西兵一千八百名留東備防貴州四川江西湖北各兵著即  
分別盡撤另挑本省兵勇防守儻本省之兵勤加訓練可資得

加即廣西之兵。亦可隨事的撥。再現存義勇二萬六千餘名。既難議戰。為數亦覺太多。著該將軍等會同遴選。擇其精銳得力者。令其協同官兵分地駐守。餘著酌量再行裁減。仍須妥為安頓。毋任別滋事端。所奏每月需銀十三萬九千二百餘兩。如能將兵勇逐漸裁撤。經費自更節省。著祁埏藻實當力加撙節。毋任虛糜。又另片奏。哱哱國王因閩喚逆犯順。遣令兵頭來粵解散等語。夷情詭譎。所稱善為解散。恐難憑信。且該夷如何向哱夷解說。即能解散之處。又不肯明白具稟。況現在浙江集兵攻剿。亦無廣東遠作議和之理。惟該國向通貿易。素稱恭順。現既來粵遞稟。著該將軍等傳諭該夷。爾國向來恭順。原准照常。

貿易。如果能為天朝出加大皇帝自必嘉悅。至被暎逆擾累。自為保護及如何藉詞交兵等情。中國例不過問。該將軍等仍須嚴密防範。勿墮奸計為要。